

爾雅注疏參議

爾雅叅義序

丹陽姜子以名孝廉甫授令卽息肩山中鍵戶窮經所傳註經義凡十餘種皆研窮義理剖析毫芒而以閒叅爾雅義爾雅於羣經緒餘耳然姜子叅之者以其先聖遺書而真贗錯見也且以首篇釋詁疏信之矣然考篇中如終風詩刺衛莊之謔浪笑傲闕宮詩頌魯僖之黃髮見齒卽此篇亦非皆周公作矣凡姜子叅正不少假類如此而復以質於余余顧而嘆曰有是哉姜子之嗜學篤而用心虛也夫以是篇爲非皆周公作信也然姜子猶不自爲信余復何以與子商之乎爾雅疏邢氏爲之而謂首篇爲周公作不自邢氏始之也考魏博士張揖進廣雅表云

周公相成王六年制禮以導天下著爾雅一篇以釋其義傳於後學歷載五百墳典散落唯爾雅恒存顏氏家訓云爾雅周公所作其釋後世詩篇後人所疑非本文也則是爾雅者周公之書也陸德明經典釋文有云釋詁一篇周公所作德明號隋唐間名儒亦以釋詁爲周公所作故知不自邢氏始也然謂其非皆周公作者亦非率自今始西京雜記有云郭偉好讀書以謂爾雅周公所制而爾雅有張仲孝友張仲宣王時人非周公之制明矣劉子駿嘗問楊子雲亦荅云聖門游夏之儔所記以解釋六藝也劉向嘗稱外戚傳載史佚教其子以爾雅又記言孔子教魯哀公學爾雅爾雅之出遠矣舊傳學者皆云周公所記

詩張仲孝友之類後人所足耳。當漢之時去古未遠也。或以爲周公作。或以爲非周公作。其無定說也久矣。張揖亦云。今所傳三篇爾雅。或言仲尼所增。或言子夏所益。或言叔孫通所補。或言邠郡梁文所考。皆解家所說。詁師口傳。旣無正證。故疑不能明也。由前諸說觀之。大抵是書也。始以周公繼以孔子。增以子夏。益以叔孫通。梁文之徒。而必欲指何者爲何人所著。則不敢以臆斷也。至於姜子所舉終風之詩。亦不自姜子始。明焦弱侯氏嘗謂疏言釋詁爲周公所作。他姑弗論。若謔浪笑傲變風詩。烏得周公釋乎。今姜子所稱合符焦氏。而又以推例其餘。士君子之好學深思者。其所見大抵然耳。夫今之學者。去古愈遠。古

之人且多以無所正論而未決其疑又况生於古人千餘年之後者乎然疑有難明則存之如子告弟子以闕疑及曲禮疑事直而不有之屬是也疑有當明則考之如語稱君子疑思問及陶靖節疑義相與析之屬是也姜子雖欲然不自以爲足而余謂其心之虛與其學之篤俱使後之學者千載如見矣是爲序

皆

雍正三年季春下泮侍生西林鄂爾泰題於書院之春風亭

爾雅序論三則

魏張揖曰爾雅為書文約而義固若其包羅天地綱紀人事權
揆制度發百家之訓詁未能悉備也

晉郭景純曰爾雅者所以通訓詁之指歸辨同實而殊號者也
六藝之鈐鍵九流之津涉可以博物不惑者莫近于爾雅爾雅

蓋興于中古隆于漢代豹鼠既辨其業亦顯英儒藻客靡不欽
玩

明葉自本茂叔曰唐彙士法進士試雜劇明經加雜文錯舉爾
雅俾各條對誠不欲以迂疎之學誤國用也爾雅興于中古相

傳作自周公今以文攷之如瑟兮儻兮美衛武也荷差名兮刺
魯莊也先後失倫周公安所據而云然乎

愚按郭景純專論贊其義而葉茂叔兼考正其文二則皆為
爾雅序也張揖一則為廣雅序故其文先論爾雅而因及進

廣雅之意與張葉二序其考辨爾雅之真贗詳矣今已錄見
序文故不具也

爾雅註疏恭義附論三則

爾雅暨小爾雅廣雅逸雅埤雅後人謂之五雅今考小爾雅漢
孔鮒作文頗潔徑廣雅魏張揖作其文純雜恭逸雅漢劉熙所

序論

附論

作義曲而支始白虎通義之流埤雅宋陸佃作冥搜幽討殊長
神智然穿鑿亦有之此所謂巧累于理僞傷其道者耶
五雅之外若白虎風俗諸通又若許氏說文篇海字彙及四聲
韻韻府羣玉

聖朝

字與佩文韻府之屬皆文字之源流也今考白虎風俗通體近
逸雅埤雅而視埤雅抑又降焉蓋支曲多而發明鮮矣說文卽
六書而發其義非荆公字說比此之謂邇其所從生而篇海字
彙之屬考字以明義今集成以字與四聲韻府考韻以敷文

亦集成以佩文此之謂推而至于其所終極也
五雅除削逸雅不錄外擬將爾雅小爾雅廣雅三書依類相次
理其煩亂正其踏駁以合為一書而別以埤雅附其後顧年
邁齒衰力未足支若奉

聖明

睿裁詔館閣諸臣如字典佩文之例集為成編庶周文公之遺
業于今為烈云

姜兆錫上均氏題于鶴溪之夾齋

爾雅註疏叅義目錄

卷一 釋詁 以下凡十九篇多不題章其題章者特標識如左

卷二 釋言

釋訓

卷三 釋親

釋官

錯見道路
隄梁之屬

釋器

錯見衣裘飲食
金玉羽毛之屬

釋樂

卷四

釋天

題章凡十有三內錯見祭名
講武旌旗三章義詳本篇

釋地

題章凡九內附言地之所生者九府五
方二章而四極章未言所生者亦附焉

釋止 題章凡二內附見匡岸一章

釋山

釋水 題章凡四內水泉章附見凡水并錯見近水之地與凡徒涉舟涉之屬

卷五

釋草 附見蔬菜苗穀竹蕩

釋木

卷六

釋蟲

釋魚 附見龜蛇蜎蛭之屬

釋鳥

釋獸 題章凡四內禽屬鱗屬須屬皆錯見不倫而豕子一條蓋又釋畜錯簡也

釋畜 題章凡六內馬屬牛屬二章錯見野馬野牛

右爾雅六卷十有九篇。卷第如註疏。今按十有九篇之文。有
題章。有不題章。而其間。或義近而附見。章內。或義遠而錯見。
篇中。蓋舛誤不倫。而其非完書。固灼如也。又按爾雅。周文公
所釋。凡一篇。而其後。適有先師孔子。及子夏。叔孫通。梁文之
屬。增而附之。今其書。既非原書。則亦以所釋之文。先考其為
書時。世之先後。次辨其所載名物制度之古近。終味其書文
筆之質文雅俗。而自有可見于心目之間者。今亦皆不必深
辯矣。獨念爾雅為書本訓。詁耳。然而先聖作之者。自昔而言。
實為繼天立極。翼經明道之書。而自後而言。但為鑿智角才。
好異驚竒之書也。邈自上古。結繩為政。無所為文字也。其後
有圖象。而後有書契。有書契。而後有典籍矣。然猶無所為訓
詁也。夫日星之屬。成象于上。川嶽之屬。成形于下。仁義
之屬。成性于中。厥類益繁。顧六書不作。則類虛。衆義不釋。
則類舛。古者六書。謂之方名。名立而字生。字生而義附。義附
而解著。字之言。滋也。因名而滋。釋之言。解也。因義以解。然則
字非道安從生。解非道安自著耶。故爾雅之書。凡三變。自爾
雅言之。周公書止一篇。而通增者。凡四嬗。此一變也。爾雅而
外。其後。又以小爾雅。廣雅。佐之。此又一變。又其後。更以逸雅。
埤雅。附之。此更其一變。與綜而計之。爾雅及小爾雅。廣雅。因
文以釋義。而逸雅。埤雅。因義而釋其所以為義。釋其義者。質

而固而釋其所以爲義者文而支故曰爾之爲言近也雅之
爲言正也所謂言近而指遠不下帶而道存者也然則學者
毋薄其近而務率其正則諸書之得失皆釐然可考而古聖
翼經衛道之意庶與

昭代

尊經崇道之化有互發而交相贊者與

雍正十一年孟秋素清學者姜兆錫謹題于桐廬別業

爾雅卷之一

邢昺曰爾近也雅正也言其近而取正也

姜兆錫註疏叅義

釋詁第一

疏曰釋解也詁古也古今異言解之使人知也釋言則釋詁之分故序篇總云釋詁釋言通古今字

之異言也此篇相傳以為周公作但其文或有在周公之後有先儒多疑之或曰仲尼子夏所增足也或曰當周公時有其文今無者或已散亡也然則詁所引書詩之文非皆周公所釋若言胡不承權與緇衣之蕭兮此秦康鄭武之詩在周公之後明矣蓋郭氏援據以成其義也其諸篇所次先作者居前增益者居後作非一時故題次無定例云愚按爾雅非先聖之原書而疏於此篇獨信為周公作故言詁所引周公以後之文乃郭氏援據成義初非則公當日之所釋而其所釋者今或亡也今考篇中如權與字蕭字謂周公時或別有其文猶可若終風詩刺衛莊之謔浪笑敖閔宮詩頌魯僖之黃髮兒齒皆成句全文似難謂周公時亦恰有是成文則此篇亦有非周公作者雜之與餘詳各篇各條

初哉首基肇祖元胎倝落權與始也

倝昌叔反此釋初哉以下皆為始之義也註曰哉書康

誥云哉生魄倝詩既醉云令終有倝落詩訪落云訪予落止權與秦風云胡不承權與疏曰初說文從衣從刀衣服之始哉說文古

爾雅釋詁

卷一

一

爾雅釋詁

但才草木之始也。以聲近借為哉。首者身之始。基者屋之始。肇始開也。祖者人之始。元者善之長。長即始。義服者形之始也。傲者動作之始。落者隕墜之始。權與象天圓而地方。天地之始也。愚按始字從女。從台。與胎字義畧同。而其字尤古今四方通行之義。故以釋初哉。以下諸異號同實之字。其諸字註有證。有不證者。則以義有易明。不易明也。後皆放此。

林烝天帝皇王后辟公侯君也。

辟音璧。此釋林烝以下皆君之義也。註曰詩賓之初筵云有壬有

林文王有聲云。文王烝哉。疏曰。白虎通云。君羣也。羣下所歸心也。平林叢木曰林。左傳云。天生烝民。樹之以君。而司牧之。則人物之衆。必立君為司牧。故以林烝為君也。說卦云。乾為天。為君。白虎通云。德合天地者稱帝。皇美也。大也。號之為皇。煌煌人莫違也。王者往也。天下所歸往。后從人從一。從口象人之形。發號以告四方。辟之言法。下所法則也。天帝皇王諸天子公侯。謂諸侯。餘皆通稱也。

弘廓宏溥介純夏。撫厖墳嘏丕奕。洪誕駿假京碩。濯訃宇穹壬路。

淫甫景廢壯豕簡劉販。旺將業蕭大也。

撫音呼。厖音亡。江反。誕音但。訃音呼。劉音道。又音卓。販

蒲板反。旺之日反。此釋弘廓以下皆大之義也。註曰詩烈祖云。我受命溥將。巧言云。亂如此。撫長發云。為下國駿。麗文王有聲云。

王功伊濯四月云廢為殘賊卷阿云爾土字販章緇衣云緇衣之
蕭兮疏曰詩韓奕云奕奕梁山執競云降福簡簡韓詩云劉彼甫
田方言云凡物之大者東齊海岱之間謂之介秦晉謂之夏又謂
之壯青幽間謂之墳秦晉魯宋陳衛謂之椒燕北齊楚之郊或曰
京齊宋曰碩荆吳揚颯之間曰濯中齊西楚之間曰訐冢舍人謂
封之大者旺郭氏讀為至亦大也愚按詩旄丘云何誕之節分離
篇云假哉皇考皆大也舊引誕彌厥月湯孫秦格者非廢為大
者蓋敗肆猖披之象有大之意與凡言業者乃修廣之意也
幬麗有也此釋二字又為有之義也註曰詩闕宮云遂幬大東疏
齊魯韓詩曰左傳云民生敦龐言生聚豐厚大有也今詩幬作荒
或異文

迄臻極到起來弔般格戾懷摧詹至也弔音的般音宗或讀為屈
摧昨雷反此釋迄臻以

下皆至之義也註曰齊楚之會郊曰懷宋曰屈疏曰詩天保云神
之弔矣般讀為屈屈格戾懷摧詹皆方俗語邠唐冀堯之間曰假
或曰格齊楚之會郊或曰懷摧詹戾楚語也般宋語也愚按以方
言推之舊引詩先祖于維六曰不詹為至義者恐非詩傳摧滅也
詹與瞻同

如適之嫁徂逝往也。此釋如適以下皆往之義也。註曰自家出謂之嫁。猶女出為嫁。疏曰適。宋魯語徂齊語嫁。

秦晉語往

凡語也

賚貢錫畀予貺賜也。畀音秘。予上聲。此釋賚貢以下皆賜之義也。賚賜上與下之詞。貢下與上之詞。餘上下

通

儀若祥淑鮮省臧嘉令類緜毅攻穀介徽善也。鮮上聲。省悉井反。緜音琛。此釋儀

若以下皆善之義也。註曰左傳云不逢不若。詩既醉云永錫爾類。車攻云我車既攻思齊云太妃嗣徽音。疏曰儀者象之善。祥者福之善。淑者德之善。毅者養之善也。若惠順也。鮮清潔也。嘉柔介大皆善之意。思按省緜毅。註未詳。今考緜之言繕。修整之義。毅為圓滿之義。猶攻為精專之義也。省亦為察治之義。故皆得為善與。

舒業順敘也。舒業順敘緒也。此釋舒業順皆為敘而轉為緒之義也。舒之言雍也和也。凡物雍和則有

敘急遽則無敘業。猶虞業之業亦有次敘之貌。而絲緒亦以次而出。故又釋為緒也。

怡懌悅欣衍喜愉豫愷康妣般樂也欣忻同妣耽同亦作湛般音

皆樂之義也疏曰衍者說文云不言而悅也妣者樂之久也

般遊樂也愚按喜豫康形於外餘皆存於中妣般則過矣

悅懌愉釋賓協服也此又釋悅懌以下皆服之義也註曰皆謂

協者合志而服也

適遵率循由從自也適遵率循也適率同。此釋適遵以下皆自

大雅緜云率來胥宇通率音義同愚按適率為遵循率從之義如

詩聿修厥德及書祗道乃文考是也至詩之通駿有聲通求厥寧

及聿來胥宇之屬皆發語詞此等若解為遵從之義恐并詩文亦

難通引証蓋未的也節末五字舊註通遵率又為循行今玩五字

重出當為衍文

請惟漠圖詢度咨諏究如慮謨猷肇基訪謀也漠莫同度音鐸諏

惟以下皆謀之義也註曰圖語云詢訪八虞香於二豷度於周天

謀於南宮諏於蔡原訪於梓裏通謂謀議也疏曰漠者舍人謂心

陳也詩小弁云聖火莫之華基者君子作事謀始也愚按詩傳莫之言定猶靖也靖漢為謀所謂安而能慮與華基二字連文讀如義未詳或云如猶言如何謀之狀也

典彝法則刑範矩庸恒律變職秩常也刑型同。此釋典彝以下皆常之義也。變亦法也。職

至也。彝庸恒乃常之正義。典法則刑範矩律變秩皆為常者。有法度則有常也。職為常者有職至則亦有常也。

柯憲刑範律矩則法也律音璧。此又釋柯憲以下皆法之義也。註曰。幽風詩云伐柯伐柯其則不遠。

辜辟是辜也辟音鬲。辜古罪字。此釋辜以下皆罪之義也。註曰。古文罪從自從辛。秦以辜似皇。改辜為罪。取非人投

於罔也。古文取自為辜。

黃髮鬢齒餘背考老壽也觀詩作兒餘音台考音狗。此釋黃髮

細也。疏曰。黃髮舍人謂髮白復黃也。詩閟宮云黃髮兒齒。餘背謂老人皮膚消瘠背若餘魚文也。大雅行葦云黃耇台背。

允孚夏展謀誠亮詢信也。展謀允慎。夏誠也。詢方言作恂。詩作洵。謀忱同。此釋允孚。

以下皆信之義而展誼以下又皆誠之義也疏曰

大雅蕩篇云其命匪謀鄭風溱洧云詢訂且樂
龍浪笑敖戲謔也敖去聲。此釋龍浪笑敖為戲謔之義也疏曰謔浪笑敖衛詩終風文。

粵于爰曰也爰粵于也爰粵于那都繇於也粵曰越同繇音由於音鳥。此釋粵于爰

為曰之義而又轉釋為于為於也註曰詩云對越在天王于出征於乎不顯書云土爰稼穡臯陶曰都疏曰曰于皆語詞於嘆詞也左傳云棄甲則那愚按爰粵于為嘆詞未詳或曰覆言爰粵為于以起那都繇為於之義也繇字書云於也一云美也禹貢云厥草維繇那亦美也詩商頌那篇云猗與那與故昔為嘆美之詞

故邵盍翁仇偶妃匹會合也故音閤邵胡臘切妃配同。此發故

云會合也邵者和合也盍者聚合也易豫卦朋盍簪是也翁者斂合也愚按仇偶妃匹皆對合之義故邵盍翁會皆所以合之意也

仇讎敵妃知儀匹也妃合會對也妃媿也媿音審。此仇讎以下

為匹為對為媿也註曰詩萋楚云樂子之無知和舟云實雜我儀國語亦云丹朱馮身以儀之繇猶儀也廣雅云猶輩也愚按以萋

楚詩詁知爲匹似未安恐或有別証也考詩傳本言樂莫楚之無
知讖而已註蓋以其下二章樂子之無室樂子之無家因牽解爲
匹以証之與
親猶對也

紹胤嗣續纂綏績武係繼也此釋紹胤以下皆繼之義也註曰綏

汎凡揚舟綿纜維之綿綵也見釋水疏曰係者繫屬之也釋水云

也紹續纂係皆繼之正義胤嗣言繼之人績武言繼之象

急諡溢贅慎貉諡顛顛密寧靜也急音戲貉同諡音密顛音擬

靜之義也註曰急顛顛未聞其義餘見詩傳疏曰易繫辭云龍蛇

之蟄詩皇矣云貉其德音周頌云夙夜基命宥密思按急顛顛註

未聞其義考字書急癡貌顛莊謹也顛爾習容止貌皆靜意也諡

溢之義疏解亦未詳今考人生則有動作死而議諡所謂蓋棺可

定也溢之言滿凡流遇坳坎則入而
沸騰平滿則自寧矣故並得爲靜

隕碩湮下降墜標蕭落也碩隕同標音殄蕭零同此釋隕碩以

石落也湮沈落也說文云草曰蕭
木曰標對文也散文則通言零

詔亮左右相導也。詔相導左右助勵也。亮介尙右也。左右亮也。詩亮

作涼相去聲。勵音慮尙右之右同。佑。此釋詔亮以下皆導之義。而述釋為勵又轉為亮也。註曰導謂教道。勵謂贊勉。右謂佑助。疏

曰周禮大宗伯云詔相王之。大禮詩大明云涼彼武王孫炎云介者相助之義。如人之左右手。愚按亮詩傳訓為佐輔。蓋教道贊勉

佑助佐輔皆互釋也。

緝熙烈顯昭皓頌光也。頌耿同。此釋緝熙以下皆光之義也。緝

光明。載見二休有烈光。疏曰說文云。昭曰明也。烈者亦日光也。頌火光也。

劼鞏堅篤擊虔膠固也。劼苦黠反。擊率同。一音慳。此釋劼鞏以

臣易革卦云鞏用黃牛之革。固志也。詩韓奕云虔共爾位。愚按劼

從力擊。從手學。本率字。執而不舍。故因為堅固之義。而讀如慳也。

二者皆以人事而言。鞏者束之固。膠者粘之固。二者皆以物用而言也。為厚皮。謹也。二者皆以人心而言。堅猶固也。

疇孰誰也。此釋疇孰為誰之義。也。書云疇若予工。

睚眦皇皇藐藐穆穆休嘉珍禱懿鑠美也。睚音旺藐音邈禱音衣此釋睚眦以下皆美

之義也。註曰：神穆以上皆美盛貌。疏曰：少儀云：祭祀之美，清濟皇

皇，鄭云：皇皇，黃如歸在之征，則此睚眦也。詩崧高云：既成藐藐，傳

云：美貌。愚按：神從示，不從衣，字書亦云：美也。

諧輯協和也。關關雎雎音聲和也。總變和也。雎同總古文協字此釋諧輯以下並

為和之義也。註曰：書云：燮友柔克。疏曰：詩關雎云：關關雎雎，鳩在

水之洲，和鳴也。愚按：協總同字，古今文異耳。以文求義，蓋存諸心為

協，發於思為總，故此亦分列兩字。

從申神加彌崇重也。重平聲。此釋從申以下皆重之義也。疏曰：隨從申重，加增彌輔崇充，皆所以為重疊也。

愚按：神為重，舊未詳。蓋神明變化，亦得為重義。

般悉卒泯忽滅聲空畢擊殲拔殄盡也。般音覺擊音氣殲音尖。此釋般悉以下皆盡之義。

也。疏曰：大雅桑柔云：靡國不泯。左傳云：臯陶庭堅，不祀忽諸。罄說

文云：器中空也。拔者，舉除使盡也。愚按：般為盡，註疏未詳。史記云

不發於此猶言不
但云爾即盡之義

苞蕪茂豐也蕪廡同。此釋苞蕪茂昔豐之義也。註曰禹貢云草木漸苞洪範云庶草蕃廡。

拏斂屈收戢蒐哀鳩樓聚也拏音啾蒐音搜。此釋拏斂以下皆聚之義也。註曰鄉飲酒云拏斂之言愁。

也凡物斂則聚舒則散蒐哀則宜言聚也鳩性亦好聚

肅齊遄速亟屢數迅疾也寔駿肅亟遄速也遄音船上亟音器數音朔下亟音急寔音

替駿遂同。此釋肅齊以下為疾為速之義也。註曰詩鄭風云不寔故也疏曰詩召南云肅肅宵征毛傳云疾貌齊者壯疾也記大

傳云遂奔走駿猶迅也愚按整肅則疾速散懈則遲緩故肅齊為疾之義而疾速則頻數遲緩則否故亟屢數亦為疾之義也

壑阮阮膝徵隍濂虛也阮音坑濂音康。此釋壑阮以下皆虛之義也。疏曰壑者豁壑也阮阮者坎陷也但

重言耳城池無水曰隍易泰卦云城復于隍方言云濂之言空也濂浪空貌愚按膝徵註未詳或曰膝徵蓋騰微之訛也凡物上騰

則下虛中微則外虛

釋詁

黎庶蒸多醜師旅衆也洋觀哀衆那多也觀去聲。此釋黎庶以下為衆為多之義也疏

曰詩縣篇云戎醜攸行洋溢亦多貌闕宮云萬舞洋洋桑扈云受福不那愚按觀當讀如京觀之觀乃多之象也

流差柬擇也差音又東揀同。此釋流差東為擇之義也疏曰詩關雎云左右流之吉日云既差我馬邶風云簡兮簡

兮愚按流東與今詩解不同義亦自通

戰慄震驚難竦恐懼也難音報懼同。此釋戰慄以下皆懼之義也註曰詩長發云不難不竦疏曰

易震卦云震雷虩虩又云驚遠而懼邇也

痛瘡虺積立黃劬勞咎頽瘡痲戮瘋癩痺痒疵痲閔逐疚痲瘥

痲瘡瘵瘼瘡病也痲音敷瘡音塗虺音灰積詩作隤頽音痲瘵音俞瘼音鼠瘡音孽瘼音里痒音羊痲音勤瘵音俞瘼音鼠瘡音孽瘼音里痒音羊痲音

痲痲音味瘵坐平聲痲疥同音肥瘡音直瘵音債瘡齊去聲。此釋痲瘡以下皆病之義也註曰立黃虺積病者之通名或稱云馬

病非也詩蓼莪云生我劬勞書召誥云智藏瘵在今江東呼病曰瘵東齊曰瘵記曰親瘵色容不盛疏曰孫炎云痛人疲不能行之

病瘖馬疲不能進之病也。瘖馬疲不能升高之病也。黃馬更黃色之病也。蓋就詩釋為馬病也。咎者罪之病。瘖者勞之病。瘖辱也。瘖病也。詩正月云：瘖憂以痒。瘖癘瘖瘖，皆憂之病也。詩十月云：亦孔之海。節南山云：天方薦瘖。四月云：百卉具腓。板云：下民卒瘏。瞻印云：士民其瘖。桑柔云：瘖此下民。愚按：逐郭註未詳，而邢疏謂逐軸音義同。詩衛風碩人之軸，鄭箋謂之病也。今考全詩皆言碩人寬廣自得之意，不得言其病。箋說非是。逐當是狂易奔走之病也。

恙寫惺盱。惺，音奎。一音里。盱，音吁。繇，音遙。此釋謂無憂也。寫者有憂而散寫也。詩卷耳云：何盱矣。繇役以為憂，愁也。愚按：惺音奎，本恢諧字。又病也。憂也。悲也。音里。義亦同。舊改詩：悠悠我里之里，為惺似曲。狂。

倫勛叩救勤。倫，庸。瘡，勞也。勛，音興。叩，音窮。倫一作瘡。瘡多去聲。此釋倫勤以下皆勞之義也。註曰：勞者多情。倫，今字，或作瘡。疏曰：倫者理也。理治事務者必勞，相約救亦然。愚按：勤，勛勞之正義。倫救於其先，庸叩瘡，窳於其後。勞來強事，謂剪奪勤也。勞來強，並去聲。等音遂。此釋勞來以下之義也。疏曰：勞來者以其勤也。自勉強者。

爾雅 釋詁 卷一 九

為勤。徒事亦為勤。愚按註疏勞來以下皆為勤。翦篲未詳其義。或曰芟除糞篲之屬皆勤也。或又曰考之曲禮乃拂廬馬馭而不過為職策之意。此條勞來強事四字連文謂翦篲勤也。五字連文言勞來平強事者乃謂慰恤其勤也。此猶詩言經始勿亟相似。如此看并謂字都有着落。此於上下文體似不台。然考全書諸文體亦多錯見。學者參之。

悠傷憂思也。懷惟慮願念怒思也。思去聲。怒音溺。此釋悠傷以

怒如調饑。愚按上憂思也三字連文。下思也二字連文。怒者如饑如渴。迫不能已之貌。視願念為切。

祿社履戩祓禱祝祐福也。戩音羸。祓音弗。亦作第。禱亦作盞。祝祝

詩。穆木云。福履綏之。天保云。俾爾戩穀。疏曰。詩卷阿云。第祿爾康矣。愚按禱祝舊未詳。考史記云。受禱文選云。祈禱禳災。是其義也。戩今詩傳云。

禱同謂盡也。

禋祀祠烝嘗禴祭也。禋音因。禴音藥。此釋禋祀以下皆祭之義也。註曰。書舜典云。禋于六宗。餘四時祭名。疏

曰。說文云。祭從月。從又。從示。月肉也。又手也。手持肉以祭神。示也。禮者潔祀也。祀者祭無已也。孔安國云。精意以享曰禋。

儼恪祗翼謹恭欽寅煇敬也

謹音因煇音善。此釋儼恪以下皆敬之義也。註曰詩楚茨云我孔煇矣。

愚按詩傳云煇竭也。蓋勞而不失敬之意。

朝旦夙晨駿早也

駿音陵。此釋朝旦以下皆早之義也。註曰駿亦明也。疏曰說文云早從日在甲上。上古文甲

字也。

頤頤普戾底止後待也

頤須同。埃侯同。音替同。底音止。此釋頤。以下皆待之義也。註曰書云後我后音

戾底皆止也。亦相待也。

嘯幾哉殆危也

嘯音欲。此釋嘯幾以下皆危之義也。註曰幾猶殆也。愚按廣註未詳。字書亦云危也。或曰字從口

蓋危殆之聲。

幾沆也

幾音祈。沆音翁。此釋幾為沆之義也。註曰謂相摩近也。疏曰說文云剗摩也。註讀幾為剗。故云相摩也。孫炎云沆

近也。大雅民勞云沆可小康。鄭箋云沆幾也。轉相訓。故沆為幾也。

治肆古故也肆故今也此釋治肆古為故而肆又為故今之義也

康誥云肆台小子詩經篇云肆不殄厥愷毛傳云肆故今也即以肆之一字為故今因上起下之語郭氏字別為義謂肆既為故又為今愚按以疏推之古當為台肆台

二字連文或云治字亦恐逆字之謬

惇置祐篤擊仍毗埤竺腹厚也直俾單毗毗音義並同埤音脾

義也註曰仍頻埤益毗輔皆重厚也擊然厚貌疏曰詩桑采云逢天俾怒天保云俾爾單厚月令云水澤腹堅愚按前條篤擊並釋為固此明固而又厚也

而又厚也

載謨食詐偽也話猷載行訛言也此遽釋載為謨之屬之義也註曰周禮云作盟詛之載書湯誥

云朕不食言詩抑篇云慎爾出話妖言為訛疏曰話者善言也猷者道也愚按此常為五釋載謨也凡載書乃謨謀之詞也食詐偽也詐偽二字連文食其言而不能踐是詐偽也話猷也言而道存是善言也載行也載之謂事行謂行事也訛言也凡訛者妖言也謨猷行之下無語助者省文也舊不達句讀省文之例而止牽合為兩釋者非

遘逢遇也。遘逢遇遘也。遘逢遇遘見也。遘音誘。一首晤。此遘釋

之義也。註曰：謂相遘遇，復為相觸遘而相見也。疏曰：詩草蟲云：亦既遘止。蔓草云：遘逅相遇。愚按：字書遘音悟者，遇也。逢也。又遘也。

音誘者驚相遘也。

顯昭覲釗覲見也。監瞻臨涖類相視也。類音眺。相去聲。此釋顯

註曰：顯昭謂明見也。逸書云：釗我周王。監瞻以下皆謂察視也。愚按：見猶視也。若言看見相似，與上遘遇逢遘相見之見迥異。故覲覲得與顯昭等為類，臨涖類得與監

瞻等為類，明非朝覲之屬之義也。

鞠訥溢盈也。訥音凶。此釋鞠訥溢為盈之義也。註曰：詩節南山云：降此鞠訥。疏曰：玉傳云：鞠盈也。鄭箋云：盈猶多也。

愚按：今詩傳云：鞠窮也。訥亂也。疏因本文之義，故從玉傳釋之。

孔魄哉延虛無之言閒也。閒去聲。此釋孔魄以下為閒之義也。註曰：孔魄延虛無皆有閒也。疏曰：閒謂

閒隙。孔者孔穴，魄者謂月無光之處。各魄也。書康誥云：哉生魄。延者今墓道也。虛無者皆有閒隙。愚按：魄哉疑即哉生魄。例文之信

未詳或曰之往也往而不留言而不行亦有間之意也然其義亦迂

瘞幽隱匿蔽竄微也

瘞音意。此釋瘞幽以下為微之義也。註曰微謂潛藏也。左傳云其徒微之是也。疏曰瘞

埋也。幽深隱潛也。匿亦藏也。蔽者覆幪也。竄者逃行也。

訖徽安懷安按替戾底廢尼定曷遏止也

尼音暱。此釋訖徽以下為止之義也。註曰安

者坐也。按者抑也。替廢皆止也。國語云戾久將底。孟子云止或尼之。疏曰抑止為曷。遏止為過。國語云晉文公在翟。狐偃曰吾來此可以房也。今戾久矣。戾久將底。底著滯淫。誰能與之。盍速行乎。愚按徽註未詳。今考製琴徽止而軫動亦止也。懷安即懷與安實敗各之義。二字本連文。今析為解。耳廢為止。所謂廢然而反也。

豫射厭也

射數同。此釋豫射為厭之義也。註曰詩葛覃云服之無敢厭。按豫註未詳。詩板篇云無敢戲豫亦厭意也。

烈績業也績勳功也

此釋烈績以下為業為功之義也。

功績實登平明考就成也

此釋功績以下皆成之義也。註曰功績皆有成也。詩抑篇云實爾人民。曲禮云

年穀不登。穀梁傳云：平者成也。事有分明，亦成濟矣。愚按：質爾，人民傳云：質成也。定也。考成成就，皆成之義。

桔梗較頰庭道直也。較音角，頰廷上聲。此釋桔梗以下為直之義也。註曰：桔梗較頰皆正直也。詩大田云：既

庭且碩，疏曰：庭條直也。道者道無所屈。

密康靜也。豫寧綏康柔安也。此釋密康以下為靜為安之義也。疏曰：詩昊天云：夙夜基命，宥密。愚按：安

亦寧靜之意也。凡事暇豫則安，迫切則不安。柔靜剛躁亦畧如之。舊訓安為安樂者非。

平均夷弟易也。弟易並去聲。此釋平均以下為易之義也。註曰：皆謂易直也。疏曰：詩洞酌云：豈弟君子，愚按：坦夷

亦易直也。詩傳云：豈弟樂易也。

矢弛也。弛易也。矢弛並尸紙切。易去聲。此釋矢為弛弛又為易之義也。註曰：弛放也。疏曰：弓弦曰弛。禮雜記云：三

王之道，一張一弛。愚按：矢釋弓則弓弛故矢為弛也。弓弛則易直矣。

希寡鮮罕也。鮮寡也。鮮上聲。此釋希寡以下為罕之義也。末三字當為衍文。

酬酢侑報也

此釋酬酢侑為報之義也。註曰：通謂相報答不至於飲酒疏曰：飲酒之禮。主酌賓曰獻，賓卒爵酌主曰酢。

主卒爵又酌自飲復酌賓曰酬。易繫辭云：可與酬酢謂應酬萬物。詩楚茨云：萬壽攸酢。謂神報主以福。故郭氏云：不專主於飲酒也。復猶勸也。公食大夫禮云：三飯之後。主束帛以侑賓。是主以報賓也。

毗劉暴樂也

毗音皮。暴樂當作爆爍。音剝落。此釋毗劉為暴樂之義也。註曰：謂木葉缺落。蔭疎暴樂也。疏曰：詩桑柔云：捋采其劉。毛傳云：劉爆爍而希也。

愚按毗謂蔭毗也

毗劉二字連文。親髮弗離也。親音陌。髮音蒙。此釋親髮為弗離之義也。註曰：謂草木之叢茸翳蒼也。弗離即彌離。猶蒙籠耳。孫氏字

別為

是非。蠱誦貳疑也。誦音叨。此釋蠱誦為貳疑之義也。疏曰：左傳趙孟處皿為蠱。在易女惑男。風落山謂之蠱。是蠱惑也。貳者心疑不一也。愚按疏單訓蠱之義。誦亦如之。舊氏云：物必先壞也。而後蠱生

之。人必疑也。而後

誦入之意。與此條畧同。此不明字說之同異。而發事理之源流。蓋又一類也。

明字說之同異

而發事理之源流。蓋又一類也。

而發事理之源流

蓋又一類也。

蓋又一類也

蓋又一類也。

蓋又一類也

蓋又一類也。

楨翰儀榦也

此釋楨翰儀為榦之義也。註曰：詩。崧高云：維周之翰，儀表亦體榦也。

彌棊輔比備也

棊音匪。比音避。備音甫。○此釋彌棊以下為備之義也。註曰：書康誥云：天威棊仇，易比卦云：比輔也。

備猶輔也。

疆界邊衛圍垂也

垂一作陲。○此釋疆界以下為垂之義也。註曰：疆場境界邊徽營衛封圍皆外陲也。左傳云：聊

以固吾圍也。

昌敵彊應丁當也

此釋昌敵以下為當之義也。註曰：彊者好與物

也。一云：昌唱同唱和亦有當意。舊引昌言之昌覺曲。

淳肩程動蠢迪倣厲作也

此釋淳肩以下皆作之義也。註曰：淳然

按厲之言奮。猶淳也。肩之言任。任作也。程動。蠢皆為動作。迪之言行。所謂作而行之也。

茲斯咨咎已此也

此音紫。○此釋茲斯以下為此之義也。註曰：咨

相近故方俗有異也愚按吞與

茲同音蓋亦俗訛告已之例

嗟吞嗟也

曰河北人云嗟嘆音如兎且之且

閑狎串貫習也

申貫並音慣○此釋閑狎以下皆習之義也

曩塵佇淹留久也

此釋曩塵以下皆久之義也註曰塵垢佇企淹滯皆積久也愚按塵垢亦為久者猶今云塵俗

焉

逮及暨與也

此釋逮及暨皆與之義也註曰公羊云會及暨皆與也逮亦及也疏曰皆相親與也

隲假格陟躋登陞也

隲陟同假音格舊音遐非○此釋隲假以下為陞之義也註曰方言云魯衛之間曰隲梁

益曰假公羊傳云躋者何陞也疏曰方言云躋邦跋格躋踰登也闕以東秦晉之間曰躋東齊海岱之間曰躋魯衛曰邦梁益之間曰格亦曰跋躋邦格俗音義同愚按假舊轉為遐訓遐為陞引登遐相証竊謂去登字單舉遐遠之遐訓陞頗曲考字書假一音格

當云格格假

音義並同

揮盃歇涸竭也

盃漉同涸音鏡。○此釋揮盃以下為竭之義也。註曰月令云無漉陂池。揮振去水也。亦為歇涸通語。

拒拭刷清也

拒音振。拭音釋。刷音刮。○此釋拒拭刷為清之義也。註曰拒訊技拭掃刷皆所以潔清也。疏曰喪大記云

拒用巾。公羊傳云反袂。拭面。周禮凌人云秋刷。

鴻昏於顯間代也

於音烏。間音間。○此分釋鴻為昏於為顯間為

謂鴻蒙昏昧也。於顯謂昭明顯燦也。凡所以潔清之者乃昏汚與顯明相間代之意。

饒饒饋也

饒音叶。饒餉同。○此釋饒饒為饋之義也。

遷運徙也

此釋遷運為徙之義也。運轉也。

秉拱執也

此釋秉拱為執之義也。註曰兩手持為拱。

厥熙與也

厥音歌。○此釋厥熙為與之義也。註曰書舜典云庶績

厥熙與也。與謂作之。愚按熙明作也。

釋詁

卷一

三

衛賦假嘉也

古字音近多借用衛之為賦蓋猶假之為嘉與

廢稅赦舍也

稅脫通舍上聲○此釋廢稅赦為舍之義也廢周官

聲者及詩召伯所稅為証按如此與赦舍之義却不合其音義殆非

棲遲慙休苦歛歔咽息也

棲音西慙音器歔音快歔音戲咽音戲

遲遊息也苦者宜止息矣歔歔咽皆氣息貌疏曰詩衡門云可以棲遲甘棠云召伯所歔漢廣云不可休息方言云息消息也喙咽

息也周鄭宋沛之間曰餽或曰喙東齊曰咽愚按此條棲遲慙休四序以身言息苦字以事言息歔歔咽以氣言息也

供峙其具也

峙池上聲共供音義同○此釋供峙其為具之義也註曰皆謂備具疏曰書費誓云峙乃糗糧

惓憐惠愛也

惓音某○此釋惓憐惠為愛之義也註曰惓韓鄭語今江東通呼為憐疏曰愛謂寵惜也惠者仁愛也詩

北風云惠而好我

娠蠢震難妯騷感訛蹶動也

娠音振難音赧妯音抽○此釋娠蠢以下皆動之義也註曰娠猶震也詩

鼓鐘云憂心且妯野有死麕云無感我悅兮無羊云或寢或訛蠶
難駭與皆搖動貌疏曰詩采芣云黍爾蠻荆常武云震驚徐方徐
方釋駭長發云不難不味

覆察副審也

此釋覆察為副審之義也各二字為連文舊析上三字總釋為審者非

契滅殄絕也

契音挈○此釋契滅殄為絕之義也註曰今江東呼刻斷物為契斷疏曰左傳云盡借邑人之車契其軸

郡臻仍迺侯乃也

此釋郡以下之義也註曰迺即乃餘未詳愚按此條多不可解郡字或疑草書薦字之譌蓋薦

臻為仍迺侯為乃兩釋之與

迪繇訓道也

繇音由○此釋迪為繇訓為道之義也

僉咸胥皆也

此釋僉咸胥為皆之義也

育孟耆艾正伯長也艾歷也

長上聲○此釋育孟以下皆長之義而又釋艾為歷也註曰育養亦為長

正伯耆官長也長者多更歷疏曰詩各風云既生既育鄭箋云謂長老也孟庶長也書康誥云孟侯

歷種算數也

種音炳數上聲○此釋歷種算為數之義也註曰歷

詩豐年云萬億及秭愚按歷言數

之意種言數之目算言數之義

歷傳也

傳音附○此釋歷為傳之義也傳

艾歷覲胥相也

覲音脉○此釋艾歷以下為相之義也疏曰覲註

之胥舊引胥盟為証者非又艾歷為相

註未詳疑此所謂吾閩人多矣之意

又亂靖神弗泯治也

弗弟同泯汨同○此釋又亂以下為治之義

疏曰虞書序云帝齋下土為汨作之篇孔傳云汨治作興也言治功興也詩生民云弗厥豐草愚按神註未詳蓋所謂德盛化神

頤艾育養也

此釋頤艾育皆養之義也

沃渾隕墜也

沃音犬渾上聲○此釋沃渾以下之義也註曰

際接契捷也

契音殺○此釋際接契為捷之義也註曰捷謂相接

績也疏曰左傳云爾未墜也禮曾子問云接祭而已

愚按翼註未詳字書云
疾飛也飛捷則相接

志神溢慎也志音秘○此釋志神溢為慎之義也疏曰書洛誥云夙夜志祀溢者舍人謂行之慎也愚按神為慎未詳

蓋神周則慎神散則息
與舍人之義不可解

鬱陶繇喜也繇記作猶搖同○此釋鬱陶為繇喜之義也註曰孟猶猶繇古今字耳疏曰鄭註云鬱陶陶也詠區也繇當為搖聲之誤也搖謂身動搖也秦人猶搖聲相近

馘穢獲也馘音國穢齊去聲○此釋馘穢為獲之義也註曰獲賊取其耳也大田云此有不斂穢穢者獲禾鋪而未束也

阻艱難也難去聲○此釋阻艱為難之義也

剡矧利也剡軍矧畧音義並同○此釋剡矧為利之義也疏曰詩大田云以我軍耜載芟云有畧其耜

允任王佞也任平聲○此釋允為任王為佞之義也註曰任猶佞也疏曰書臯陶謨曰何畏乎巧言令色孔壬愚按此

係上釋允為任而下則釋王為佞允之言信論語云信則人任焉
通論云信於朋友曰任是也舊未明上下兩釋之例而以允任王

骨釋為佞據彛典云而難任人任固與王同為佞義然
直釋允為佞而取佞人似信之義以文之則亦典矣

俾拚拚使也俾拚拚使從也拚聘平聲拚音烹○此釋俾拚拚皆
使之義也詳曰俾拚拚皆謂使令四

者又為隨從也疏曰詩桑柔云弄
云不逮拚拚音義同拚義亦然

儻仍因也儻音攘○此釋儻仍為因之義也疏曰書費誓云無敢
寇攘鄭註云因盜亡失曰攘施博士讀曰襄書君奭云

襄我
二人

董督正也此釋董督為
正之義也

享孝也珍享獻也此釋享為孝珍享為獻之義也疏曰
致物於尊者曰獻珍者珍物宜獻也

縱縮亂也此釋縱縮為亂之義也註
曰縱放掣縮皆亂法也

探篡俘取也探平聲篡音窳俘音孚○此釋探篡俘為取之義也
註曰篡者奪取也探者摸取也書序云伐三股俘厥

玉寶

徂在存也

此釋徂在為存之義也。註曰以徂為在。猶以亂為治。註義反覆。旁通美惡不嫌同詞。

在存省士察也

此釋在存以下皆察之義也。疏曰書舜典云在璿璣玉衡。謂審察也。士者理獄之官。主聽察者舜典

命臯陶云汝作士

烈栢餘也

栢音不。此釋烈栢為餘之義也。註曰晉衛之間曰藥陳鄭之間曰烈。疏曰餘謂遺餘也。詩雲漢云宣王承厲

王之烈李巡云栢橋木之餘也栢葉音義同

迓迎也

此釋迓為迎之義也。註曰公羊傳云跛者迓。跛者疏曰聘禮云厥明訝賓於館。鄭註云訝迎也。詩鵲巢云百兩御之

註亦云御迎也。迓訝御音義並同。當以迓為正。恩按御之為迎。猶左傳狂狡駘鄭人。註云駘迎也。是也。

元良首也

此釋元良為首之義也。註曰左傳云狄人歸先軫之元謂首也。良未聞。愚按凡稱良者。本然之善也。亦有首義

荐摯臻也

此釋荐摯為臻之義也。註曰荐進也。摯至也。故皆為臻。臻至也。疏曰荐進執摯皆以表至也。

音能釋詁

良一

二

廣揚績也

此釋廣揚為績之義也。註曰：書益稷云：乃廣載歌。揚未詳。愚按：抑而復揚，亦績之義。今云揚風挖雅。

耐禘祖也

耐音附。禘音鬼。此釋耐禘為祖之義也。註曰：耐謂耐新死者於祖廟禘者，毀廟主也。

卽尼也

尼音雁。下同。此釋卽為尼之義也。註曰：卽猶今也。尼者，近也。尸子云：悅尼而來遠是也。

尼定也

此釋尼為定之義也。註曰：尼者，止也。亦定也。

邇幾暱近也

幾平聲。此釋邇幾暱為近之義也。註曰：暱親近也。疏曰：聘義云：日幾中而後禮成。

妥安坐也

此釋妥為安坐之義也。疏曰：士相見禮云：妥而後傳言。鄭註云：妥安坐也。傳言謂出言也。

貉縮綸也

貉音陌。此釋貉縮為綸之義也。註曰：綸者，繩也。謂牽縛縮貉之也。今俗語亦然。

貉嘆安定也

此釋貉嘆安為定之義也。疏曰：詩皇矣云：貉其德音。毛傳云：貉靜也。又云：求民之莫。鄭箋云：求民之定也。

音義並同

伊維也。伊維侯也。

此釋伊為維之義。而又總釋為侯也。

時寔是也

此釋時寔為是之義也。註曰公羊傳云寔來者何是來也。疏曰詩駟騶云奉時辰牡春秋桓五年冬書州公如

曹六年春書寔來公羊云寔來者何猶曰是人來也

卒猷假輟已也

此釋卒猷以下為已之義也。註曰猷假為已未詳愚按假遐通蓋登遐亦卒已之意與

求曾在卒就終也

會音囚。此釋求會以下皆終之義也。註曰詩卷阿云似先公會矣成就亦終也愚按求在義

未詳或云求恐為究聲之誤也凡物有定在亦

崩薨無祿卒徂落殪死也

殪音意。此釋崩薨以下皆死之義也。疏曰曲禮云天子死曰崩諸侯曰薨大

夫曰卒士曰不祿鄭註云崩者自上顛壞之名薨者顛壞之聲卒

終也不祿謂不終其祿死之言漸精神漸盡也書舜典云放勳乃徂落徂之言往落者若草木葉落也隱九年左傳云戎師盡殪

爾雅卷之二

姜兆錫註疏叅義

釋言第二

疏曰論語云詩三百一言以蔽之左傳趙簡子云太叔遺我以九言此皆以一句為一言也漢書東

方朔云十六學詩書論二十二萬言則以一字為一言也雖

一字一句有異學者莫能通故釋之也愚按篇義已總見釋

詁篇疏又云此者蓋首篇所釋有一

句之文數條而此則皆一字之文與

殷齊中也

此釋殷齊為中之義也疏曰書堯典云日中星鳥以殷仲春孔氏云殷正也中正義同釋地云岷齊州以南註

云岷去也齊中也

斯諉離也

此釋斯諉為離之義也註曰方言云齊陳曰斯疏曰斯析諉張皆分離也詩墓門云斧以斯之巷伯云哆分侈

分該後音義同

謏興起也

謏音速○此釋謏興為起之義也註曰記祭統云尸謏

還復返也

還旋同○此釋還復為返之義也疏曰皆回返也春秋書師還至河乃復之類

宜徇徧也。徇音殉。又旬同。此釋宜徇為徧之義也。註曰：皆周徧也。疏曰：詩江漢云：來旬來宣。毛傳云：旬徧也。鄭箋云：宣

徧也。思按旬之言均宜之言散。凡物均散則徧也。

駟騶傳也。駟音口。傳去聲。此釋駟騶為傳之義也。註曰：皆傳車也。駟馬名。疏曰：文十六年左傳云：楚子乘駟會師。僖三十

二年云：使遽告於鄭。成五年云：晉侯以傅召伯宗。皆謂今駟也。

蒙荒奄也。此釋蒙荒為奄之義也。註曰：奄，奄覆也。疏曰：詩唐風云：葛生蒙楚。周南云：葛藟荒之。

告謁請也。告音谷。此釋告謁為請之義也。

肅雍聲也。雍離同。此釋肅雍為聲之義也。疏曰：詩有瞽云：肅雍和鳴。

格懷來也。此釋格懷為來之義也。

吟底致也。底音止。此釋吟底為致之義也。疏曰：曲禮云：吟於鬼神。昭元年左傳云：底祿以德。

悛怙恃也。悛音是。此釋悛怙為恃之義也。註曰：今江東呼母為悛。疏曰：皆依恃也。詩蓼莪云：無父何怙。無母何恃。

律適述也

此釋律適為述之義也疏曰適者述行之也愚按律之

之義也舊謂律管所以述氣又引適駿有聲為述適之通非

俞龠然也

俞古咎字○此釋俞龠為然之義也註曰記內則云男雉女俞龠者應也亦為然

豫臚敘也

此釋豫臚為敘之義也疏曰事豫備者有敘也漢書云太初元年改秦典客為大鴻臚鴻大也臚陳敘也以禮

大陳敘於客也莊子云大儒臚傳

庶幾尙也

幾平聲○此釋庶幾為尙之義也疏曰詩苑柳云不尙息焉鄭箋云尙庶幾也尙即庶幾義相反覆

觀指示也

此釋觀指為示之義也疏曰示謂呈見於人也國語祭公諫穆王云大戎以其職來王天子必以其不享征之

且觀之兵無乃廢先王之命也乎論語云指其掌謂指舉以示人也

若惠順也

此釋若惠為順之義也

敖撫傲也

敖去聲撫音武○此釋敖撫為傲之義也註曰記投壺云無撫無敖

幼鞠稚也

此釋幼鞠為養之義也疏曰書康誥云兄亦不念鞠子哀愚按鞠育養也幼者宜鞠養故為稚義

逸魯過也

魯魯同此釋逸魯為過之義也疏曰書盤庚云惟予一人有佚罰逸謂失也左傳云禮義不魯

疑休戾也

此釋疑休為戾之義也註曰戾止也疏曰月令云百工休是為止也愚按疑當讀魚乞切音屹詩桑柔云靡所

止疑是也舊讀如字引書疑謀勿成為証而謂疑者亦止其釋非是

疾齊壯也

此釋疾齊為壯之義也疏曰急速齊整皆強壯於事也

悵褊急也

褊邊上聲此釋悵褊為急之義也疏曰詩靈臺云經始勿亟文王有聲云匪棘其欲悵亟棘音義並同葛屨

云維是褊心

質賈市也

賈音古此釋質賈為市之義也

匪陋隱也

匪符佛切此釋匪陋為隱之義也疏曰儀禮有司徹云屏用席書堯典云揚側陋

遐邈遠也

遐音誓此釋遐邈為遠之義也註曰方言云東齊曰遐北燕曰邈皆相逮及也

征邁行也。此釋征邁爲行之義也。

圯敗覆也。圯皮美反覆音福。此釋圯敗爲覆之義也。註曰謂毀覆也。疏曰書盛庚云祖乙圯于耿。

荐原再也。荐音賤。此釋荐原爲再之義也。註曰易坎卦云水荐至。今呼重巽爲屬。疏曰荐草再生也。周禮馬質云禁原

豎

撫救撫也。救音米。此釋撫救爲撫之義也。疏曰皆愛撫也。方言云東齊爾陶之間謂愛曰撫。書大誥云救寧武圖功。

臞疥瘠也。臞音瞿。疥音求。此釋臞疥爲瘠瘠之義也。註曰齊人謂瘠爲疥。

枕頰充也。此釋枕頰爲充之義也。疏曰孫叔然本枕作尤。說文云頰火光也。皆充盛也。

屢臚亟也。亟音器。此釋屢臚爲亟之義也。註曰亟數也。親臚者亦數。

靡罔無也。此釋靡罔爲無之義也。

爽差也。爽忒也。此釋爽爲差爲忒之義也。

得戴也。也。得音二。○此釋得為戴之義也。疏曰：得，次也。卽副戴也。

剗髮齊也。此釋剗髮為齊之義也。註曰：南人謂剗刀為剗刃。疏曰：皆謂齊截也。

饋餽稔也。饋音外。餽音淵。○此釋饋餽為稔之義也。註曰：今呼貨飯為饋。饋熟為餽。疏曰：稔，熟也。孫炎曰：蒸之曰饋。均之

也。詩洞酌云：饋一蒸米也。餽飯氣流也。詩洞酌云：可以餽餽。餽音義同。

媵將送也。媵音孕。○此釋媵將為送之義也。註曰：左傳云：以媵秦穆姬。詩燕燕云：遠于將之。

作造為也。此釋作造為為之義也。疏曰：謂營作也。並見詩緇衣篇。

養餼食也。養音非。○此釋養餼為食之義也。疏曰：陳楚之間相謂而食麥餼謂之養。

鞠究窮也。此疏曰：皆窮盡也。

滷矜鹹苦也。滷音魯。○此釋滷以下為苦之義也。註曰：滷苦地也。可矜憐者亦辛苦。太鹹亦苦矣。

干流求也。此釋干流為求之義也。疏曰：語云：子張學干禱。詩關雎云：左右流之。

流單也。單延也。此釋流為單單為延之義也。註曰皆謂蔓延相被及也。

佻偷也。此釋佻為偷之義也。

潛深也。潛深測也。此釋潛為深而又為測之義也。註曰測亦水深之別名。

殺鞠生也。此釋殺鞠為生之義也。註曰詩大車云殺則異室。疏曰詩蓼莪云母兮鞠我。

啜茹也。此釋啜為茹之義也。疏曰記檀弓云啜菽飲水詩烝民云柔則茹之。

茹虞度也。度音鐸。此釋茹虞為度之義也。註曰詩柏舟云不可以茹。疏曰左傳云備豫不虞。

試式用也。此釋試式為用之義也。疏曰書盤庚云今予將試以汝遷。又云式敷民德。

誥誓謹也。此釋誥誓為謹之義也。註曰皆以謹戒衆也。

競逐彊也。彊去聲。此釋競逐為彊之義也。註曰皆自勉彊也。

樂園禁也。此釋樂園為禁之義也。註曰禁制也。疏曰詩常棣云外禦其侮。養馬曰園亦以禁制也。

塗墮塞也。七月云穹室熏鼠周禮大宗伯云以狸沈祭山林川澤

黼黻彰也。此釋黼黻為彰之義也。註曰黼文如斧黻文如兩已相背。疏曰考工記云白與黑謂之黼黑與青謂之黻。愚按

虞書云彰于五采故約舉二者以明之。

膺身親也。此釋膺身為親之義也。疏曰服膺身先皆謂躬親也。

愷悌發也。此釋愷悌為發之義也。註曰發謂發行也。疏曰詩載驅云齊子愷悌鄭箋云愷悌猶發夕也。

髦士官也。此釋髦士為官之義也。疏曰髦俊也。詩棫樸云髦士攸宜。

峻農夫也。峻音俊。此釋峻為農夫之義也。註曰今之耆夫是也。疏曰孫炎云農夫謂田官也。詩甫田云用峻至喜鄭箋

云田峻司耆今之耆夫也在田司主稼穡故謂之司耆漢晉皆有此官故鄭郭皆謂今之耆夫。

蓋割裂也。此釋蓋以下之義也。疏曰謂以刀裂之也。愚按器用蓋

拜而萎蓋服張起不裂貼之貌故為裂也。

邕支載也。此釋邕支為載之義也。註曰：皆方俗語。疏曰：謝氏云：邕字又作擁。釋云：擁者護之載也。愚按：擁護支持，皆慎於

載之意。

誣諉累也。誣，竹睡切。諉，女誣切。○此釋誣諉為累之義也。註曰：以事相屬累為誣。疏曰：謂相累及也。孫炎云：楚人曰誣。秦

人曰諉。

漠察清也。此釋漠察為清之義也。疏曰：樊光云：漠然清貌。察，明也。

庇床廕也。此釋庇床為陰之義也。註曰：今俗呼樹廕為庇。疏曰：文七年左傳云：葛藟猶能庇其本根。

穀履祿也。此釋穀履為祿之義也。註曰：詩：樛木云：福履將之。愚按：穀為祿。語云：三年學不至於穀，是也。舊引書既富方穀

為証者，非方穀之穀，乃善也。

履禮也。此釋履為禮之義也。疏曰：易序卦云：物畜然後有禮。故受之以履。韓康伯云：履者禮也。

隱占也。此釋隱為占之義也。註曰：隱，度也。疏曰：占者，視兆隱度以知吉凶也。

逆迎也

此釋逆為迎之義也疏曰書顯命云逆子釗于南門之外

憚曾也

憚音慘○此釋憚為曾之義也疏曰猶言會也詩節南山云憚莫懲堯河廣云曾不崇朝

增益也

此釋增為益之義也註曰今江東通言增

窶貧也

窶音巨○此釋窶為貧之義也註曰窶謂貧陋也疏曰窶無禮也貧無財也由無財為禮故云陋也詩北門云終窶

貧

愛隱也

愛音愛○此釋愛為隱之義也疏曰愛障即隱蔽也

優吧也

優音優○此釋優為吧之義也註曰吧短氣疏曰詩桑桑云亦孔之優

基經也

此釋基為經又為設之義也註曰基業以自經營亦為造設也疏曰基牆下土也又詰為始作事謀

始必經綸也

祺祥也

此釋祺為祥而又為吉之義也註曰祥謂祺祥吉之先見者也疏曰詩行葦云壽考維祺

也城
此釋兆為城之義也。疏曰：謂塋墓界城也。士喪禮云：筮宅冢人營之。鄭註云：宅謂葬居也。蓋筮得吉兆營為冢之界也。

肇敏也。此釋肇為敏之義也。疏曰：謂敏疾也。書酒誥云：肇率車牛。

挾臧也。挾音叶。○此釋挾為臧之義也。註曰：臧，今江東通言挾。疏曰：史記云：秦有挾書之作。

泱徹也。泱音接。○此釋泱為徹之義也。疏曰：言泱洽霑徹也。

晉廢也。晉滅也。此釋晉為廢之義也。為滅之義也。

速徵也。徵召也。此釋速為徵，又為召之義也。註曰：易需爻云：不速之客。

琛寶也。此釋琛為寶之義也。

探試也。此釋探為試之義也。註曰：刺探嘗試也。疏曰：語云：見不善如探湯。

髦選也。髦俊也。此釋髦為選，又為俊之義也。註曰：俊士之選，如毛中之髦也。疏曰：長毫曰髦。

俾職也。此釋俾為職之義也。俾，詰為使，言任使供職也。

紕飾也。紕，音避。此釋紕為飾之義也。註曰：謂緣飾也。疏曰：詩于旌云素絲紕之。

凌慄也。慄，感也。凌，音凌。此釋凌為慄又為感之義也。註曰：凌，據戰慄憂感也。

綱明也。茅，明也。明明也。此釋綱茅皆為明而又為朗之義也。註曰：綱，清明貌。疏曰：樊光云：綱，除垢穢使清明也。

也。愚按記云：縮酌用茅，明酌也。是茅明也。之義，舊引左傳前茅慮無為証者非。

猷圖也。猷，若也。猷，猶同。此釋猷為圖而又為若之義也。註曰：周官云：以猷鬼神祇，謂圖畫也。詩小星云：寔命不猶。

倂舉也。稱好也。倂，古稱字。此釋倂為舉而又為好之義也。註曰：書牧誓云：倂爾干，物稱人意亦為好也。

坎律銓也。此釋坎律為銓之義也。疏曰：謂銓量也。樊光云：坎卦水也。水性平，律亦平，銓亦平也。

矢誓也。此釋矢為誓之義也。

舫舟也。泳游也。此釋舫為舟，泳為游之義也。註曰：舫，並兩船也。泳，潛行也。疏曰：大夫方舟，詩谷風云：泳之游之。

迨及也。此釋迨為及之義也。

冥幼也。此釋冥為幼之義也。註曰：幼釋者冥味。

降下也。備均也。備音容。此釋降為下備為均之義也。疏曰：詩草蟲云：我心則降。節南山云：昊天不備。

彊暴也。窳肆也。肆力也。此釋彊為暴窳為肆之義。而又轉肆為律也。註曰：彊梁者凌暴。輕窳者放肆。肆謂極

也。

侏戴也。侏音求。此釋侏為戴之義也。詩絲衣云：戴弁侏侏。

瘞幽也。瘞音意。此釋瘞為幽之義也。註曰：瘞亦瘞也。

髦屬也。髦音離。屬音計。此釋髦為屬之義也。註曰：毛髦所以為鬪。疏曰：鬪者織毛為之。若今鬪解以衣馬之帶鞅也。

烘燎也。煤炷也。煤音忱。炷音頃。此釋烘為燎。煤為炷之義也。註曰：煤今之三隅竈也。疏曰：舍人云：烘以火燎也。炷

者無釜之竈。其上燃火謂之烘。若今之火爐也。詩白華云：叩烘于煤。

陪朝也

朝音潮。○此釋陪為朝之義也。註曰：陪位為朝。疏曰：臣見君曰朝。朝之列位必陪重也。

康苛也

苛音何。○此釋康為苛之義也。註曰：謂苛刻也。疏曰：苛毒草名。政苛刻者似之。記孔子云：苛政猛於虎。愚按：舊訓康

安也。左傳云：州吁阻兵而安忍。是心安於苛也。此訓似曲。考六書正詁：康，米穀皮也。借為康樂字。蓋去穀皮以為米，亦煩苛之義。

樊藩也

此釋樊為藩之義也。註曰：藩，謂藩籬。疏曰：樊以細木為之。詩：東方未明云：折柳樊圃。

賦量也

此釋賦為量之義也。註曰：賦，稅所以評量。疏曰：燕之北鄙，東齊北郊。凡相賦斂，謂之平均。

振糧也

此釋振為糧之義也。註曰：今江東通言。疏曰：王制云：五十異振。

庶侈也

此釋庶為侈，又為幸之義也。註曰：庶多為奢侈。庶幾為僥倖。

筑拾也

筑音竹。○此釋筑為拾之義也。註曰：謂拾掇也。疏曰：金勝。註云：凡大木所偃，盡起而筑之。馬融云：起其本，拾其末。

裝駟也

此釋裝為駟之義也。註曰：今江東呼大為駟。駟猶駟也。

集會也

此釋集為會之義也。疏曰：說文云：集，若羣鳥在林木之上。經典通謂聚會為集。

斂澗也。

澗音字。○此釋斂為澗之義也。註曰：水中種筏也。疏曰：方

言云：澗謂之種，種謂之筏。詩：漢廣云：不可方思。語云：乘桴

浮於海。註曰：桴，編竹木為之。大曰

桴，小曰桴。斂，方澗桴，音義並同。

洵均也。洵，龜也。

洵，舊作旬。今按如字。龜音淇。○此釋洵為均而又

桑柔其下。侯旬。毛傳云：旬言陰均也。洵，旬音義同。龜，未詳。愚按洵

也。誠信則均平。亦如字也。舊說殆非。

逮逌也。

逌音沓。○此釋逮為逌之義也。註曰：今荆楚人皆云逌。疏曰：謂相及也。

是則也。

此釋是為則之義也。疏曰：是不非也。則法也。有是無非，乃可為人法則。

畫形也。

畫俗作畫。○此釋畫為形之義也。疏曰：考工記云：繪畫之事。土以黃其象方。天時變火以圖。山以章。水以龍。鳥獸蛇

是畫者為形象也。

賑富也。此釋賑為富之義也。賑，濟也。富，猶善人見富之富。

局分也

分去聲。此釋局為分之義也。註曰：謂分部也。疏曰：成十六年左傳云：離局姦也。杜註云：遠其部曲為離局。

憐怒也

憐音穉。此釋憐為怒之義也。註曰：詩板篇云：天之方憐。疏曰：舍人云：憐，怒聲。

僂聲也

僂音屑。此釋屑為聲之義也。疏曰：謂聲音僂僂然也。

葵揆也

葵揆音義同。度音鐸。此釋葵為揆，又為度之義也。註曰：詩采菽云：天子葵之。度，商度也。

逮及也

此釋逮為及之義也。

怒饑也

怒音濁。此釋怒為饑之義也。註曰：怒然饑意。疏曰：詩汝墳云：怒如調饑。毛傳云：怒，饑意也。鄭箋云：怒，思也。怒本為

思，但饑之思，食意又怒然，故以怒為饑也。

矜重也

矜音軫。此釋矜為重之義也。疏曰：隱三年左傳云：憾而能矜者鮮矣。杜註：憾，恨則思亂。鮮能自安重也。

獵虐也

此釋獵為虐之義也。註曰：凌獵暴虐也。

土田也

此釋土為田之義也。疏曰：釋名云：土耕曰田。田者，填也。禾稼填滿其中也。

戊遇也師人也。戊音庶。此釋戊為遇帥為人之義也。註曰：戊守所以止寇賊師謂人衆也。疏曰：遇止也。

結鞶也。結音甲。此釋結為鞶之義也。註曰：結然堅固。疏曰：易革卦云：鞶用黃牛之革。結當從吉。苦學切。說文云：結苦八切。

石堅也。宇雖小異義則同。

棄忘也。此釋棄為忘之義也。疏曰：遺忘也。詩谷風云：棄予如遺。

鄙閑也。鄙音同。此釋鄙為閑之義也。賈意無欲自得之貌。

謀心也。獻聖也。此釋謀為心獻為聖之義也。註曰：謀慮以心。諡法：聰明睿知曰獻。

里邑也。此釋里為邑之義也。註曰：謂邑居也。疏曰：王制云：凡居民量地以制邑。

襄除也。此釋襄為除之義也。註曰：詩牆有茨云：不可襄也。

振古也。此釋振為古之義也。註曰：詩載芟云：振古如茲。猶云：久若此。愚按：詩傳訓振古為極古二字連文。此則言振為古之意。

懣怨也

懣音隊。此釋懣為怨之義也。

緝介也

緝音離。此釋緝為介之義也。註曰：緝者繫也。介，介閱也。疏曰：釋水云：緝，緝也。緝，繫者，則介閱也。

號諱也

號平聲。諱，呼同。此釋號為諱之義也。

凶咎也

此釋凶為咎之義也。

苞稹也

此釋苞為稹之義也。註曰：今物叢級者為稹。疏曰：孫炎云：物叢生曰苞。詩：鴉羽云：集于苞栩。毛傳云：苞，稹也。鄭箋云：

稹者根相逼作相級也。

逶寤也

逶音悟。此釋逶為寤之義也。疏曰：逶，謂相干也。寤而覺之曰寤。

頌題也

頌音訂。詩作定。此釋頌為題之義也。註曰：頌，頌也。詩：麟趾云：麟之定。

猷肯可也

此釋猷肯為可之義也。註曰：詩：陟岵云：猷來。無棄肯。今通言。疏曰：詩終風云：惠然肯來。

務侮也

此釋務為侮之義也。註曰：詩：常棣云：外禦其侮。疏曰：謂輕侮也。

貽遺也。

遺唯季反。此釋貽為遺之義也。註曰：相歸遺也。愚按：靜女云：遺我彤管。

賈買也。

此釋賈為買之義也。疏曰：詩氓篇云：抱布買絲。

賄財也。

此釋賄為財之義也。詩氓篇云：以我賄遷。

甲狎也。

此釋甲為狎之義也。疏曰：謂狎習也。詩芄蘭云：能不我甲。愚按：詩傳云：甲長也。與此不同。此以上四條皆釋衛風之

文。

莢驪也。莢亂也。

驪音追，亂音頑。此釋莢為驪，又為亂之義也。註曰：詩大車云：毳衣如莢。莢草色青白如驪。亂曰：毛

傳云：莢驪也。鄭箋云：莢亂也。以傳解草色未辨。草名故定之也。釋畜云：蒼白雜毛曰驪。

粢餐也。

餐音孫。此釋粢為餐之義也。註曰：今河北呼食為粢。疏曰：詩緇衣云：還予授子之粢兮。

渝變也。

此釋渝為變之義也。詩羔裘云：舍命不渝。

宜肴也。

此釋宜為肴之義也。註曰：詩雞鳴云：與子宜之。疏曰：李巡云：謂飲酒之肴饌也。愚按：詩傳云：宜者，和其所宜也。

夷悅也

此釋夷為悅之義也。註曰：詩草蟲云：我心則夷。愚按：詩風雨云：云胡不夷。此以上四條皆釋鄭風之文。

顛頂也

此釋顛為頂之義也。疏曰：詩車鄰云：有馬白顛。

耄老也

耄音迭。此釋耄為老之義也。註曰：八十曰耄。疏曰：詩車鄰云：逝者其耄。

輶輕也

此釋輶為輕之義也。詩騶賦云：輶車鸞鑣。

伐淺也

伐音踐。此釋伐為淺之義也。註曰：詩小戎云：小戎伐牧。愚按：此以上四條皆釋秦風之文。

綯絞也

此釋綯為絞之義也。註曰：糾絞繩。索也。疏曰：詩七月云：宵爾索綯。

訛化也

此釋訛為化之義也。註曰：詩破斧云：四國是訛。

跋獵也

跋音致。此釋跋為獵之義也。註曰：詩豳風云：狼跋其胡。載楚其尾。愚按：以上三條皆釋幽

風之

烝塵也

此釋烝為塵之義也。註曰：人衆。所以生塵埃。疏曰：詩南有嘉魚云：烝然罩罩。愚按：此及下條乃釋詩常棣烝也。無戎

之文其三章云每有良朋况也永歎四章云每有良朋烝也無戎况烝二字詩傳皆云語辭又一說况或作况蓋不決為語辭也此釋烝為塵蓋亦謂塵俗紛然無相助佐者與註疏所釋似曲

戎相也相去聲○此釋戎為相之義也註曰相佐助也

飲私也此釋飲為私之義也疏曰飲非公朝之燕私飲酒也詩常棣云飲酒之飲

孺屬也此釋孺為屬之義也註曰謂親屬也疏曰李巡云孺者骨肉相親屬也詩常棣云和樂且孺愚按詩傳云孺者如小兒之慕父母言其切也舊訓孺為屬未楚此以上四條皆釋常棣之文

幕幕也此釋幕為幕之義也註曰幕然暮夜

煊熾也熾盛也此釋煊為熾盛之義也疏曰詩十月云艷妻煊方處

柢本也柢音帝○此釋柢為本之義也疏曰周禮典瑞云圭有邸又云兩圭有邸邸柢音義同

窈窕也窈音閉○此釋窈為閉之義也疏曰詩關雎云窈窕淑女毛傳云幽閉也鄭箋云幽閉深宮也皆謂淑女所處之宮

形象窈窕然恩按詩傳言淑女有幽閒貞靜之德蓋借形之詞而毛鄭則但就字言其所處耳

淪率也此釋淪為率之義也疏曰謂相牽率也詩兩無正云無淪胥以鋪

懼毒也此釋懼為毒之義也註曰憂思慘毒也

檢同也此釋檢為同之義也註曰橫範同等也

郵過也此釋郵為過之義也郵尤古字通故釋為過舊謂郵亭為道路所經過者非

遜遜也此釋遜為遜之義也疏曰春秋莊元年夫人孫于齊公羊傳云孫者何猶遜也內諱奔謂之遜

弊踏也債僵也踏仆同僵猶同○此釋弊為踏債為僵之義也註曰弊踏前覆也債僵卻傾也左傳云鄭伯之車債

於

吟珍也此釋吟為珍之義也疏曰詩載芟云徂隰徂吟毛傳云吟場也地官送人云溝上有吟吟謂地畔之徑路也易吟為

故為吟也

爲蓋也。此釋曷爲蓋之美也。註曰：蓋何不也。

虹潰也。潰音會。○此釋虹爲潰之美也。註曰：潰敗亂也。詩召旻云：茲賊內虹。

暗闇也。暗音庵。○此釋暗爲闇之美也。註曰：暗然冥貌。

黏膠也。黏音膠。○此釋黏爲膠之美也。註曰：膠黏物也。

孔甚也。厥其也。此釋孔爲甚厥爲其之美也。

夏禮也。此釋夏爲禮之美也。註曰：夏謂常禮。疏曰：釋詁云：夏常也。愚按夏之言法禮猶法也。舊謂夏爲常禮者，蓋禮法爲秩

然有常與

闔臺也。闔音郁。○此釋闔爲臺之美也。註曰：闔城門臺。疏曰：詩出其東門云：其出闔闔。

囚拘也。此釋囚爲拘之美也。

攸所也。此釋攸爲所之美也。詩韓奕云：爲韓姑相攸。

展適也。鬱氣也。

此釋展為適鬱為氣之義也。註曰申展適意也。鬱然氣出貌。

宅居也。

此釋宅為居之義也。

休慶也。

此釋休為慶之義也。

祈叫也。

此釋祈為叫之義也。註曰祈祭者叫呼而請事。

濟幽深也。哲智也。

此釋濟哲之義也。疏曰書舜典云濟。哲文。明孔安國云言舜有深智也。

弄玩也。

此釋弄為玩之義也。疏曰詩斯干云載弄之璋。

尹正也。皇匡正也。

此釋尹為正皇為匡正之義也。註曰尹謂官正也。詩破斧云四國是皇。疏曰書君陳云尹茲東

郊是官正也。皇君威之正。匡諫救之正。孝經云匡救其惡。愚按詩傳云皇匡也。則皇為匡正之義。註疏引幽風孝經分釋皇匡二字。

似曲

服整也。

此釋服為整之義也。註曰服御之令整也。

聘問也

此釋聘為問之義也疏曰對文則聘問異周禮大行人云聘也聘禮云小聘曰問是皆

異也散文則通故云聘問也

愧慙也

此釋愧為慙之義也

殛誅也

此釋殛為誅之義也疏曰謂誅責也

克能也

此釋克為能之義也

翼明也

此釋翼為明之義也

訕訟也

此釋訕為訟之義也註曰訕者言訕諛也

晦冥也

此釋晦為冥之義也

奔走也 逡退也 蹇仆也

此釋奔為走逡為退蹇為仆之義也註曰齊國語云已復于事而遽頓躓仆也疏

曰奔大走也逡却退也蹇仆即前文蹇踳也蹇踳也是也

亞次也

此釋亞公次之義也

諗念也

諗音審。○此釋諗為念之義也。註曰：諗者相思念也。詩四牡云：將母來諗。愚按：詩傳云：諗，告也。蓋因思念而請告與。

屈極也

弁同也。弁，蓋也。此釋屈為極，弁為同為蓋之義也。註曰：極者有所限極也。疏曰：詩瞻仰云：靡有夷屈。

闕宮云：奄有龜蒙，言弁覆同為已有也。奄，弁音義同。

恫痛也

恫音通。○此釋恫為痛之義也。

握具也

此釋握為具之義也。註曰：謂備具也。疏曰：謂握持辦具也。李本作帷，釋云：居位之處之具也。詩權輿云：夏屋渠渠，鄭箋云：屋，具也。愚按：疏云：握持者，如此經字釋之也。李

本則以手為巾。今考夏屋，器名。當從詩作屋為正。

振訊也

此釋振為訊之義也。註曰：振者奮迅。疏曰：謂振訊去塵也。曲禮云：振書端冊。愚按：註義訊當作迅。疏作如字，義無所

屬

闕恨也

闕音隙。○此釋闕為恨之義也。註曰：謂相怨恨。疏曰：闕，孫炎本作很，謂很戾也。詩常棣云：兄弟闕于牆。毛傳云：很也。

世禮云。狼無求勝以
字形異。故釋者兩解。

越揚也。對遂也。此釋越為揚對為遂之義也。註曰。謂發揚也。詩江

愚按對為遂者。因命而遂有所對也。但味

本文釋對越二字。註乃釋對揚之義耳。

燬火也。燬音毀。此釋燬為火之

懈怠也。宣緩也。此釋懈為怠。宣為緩之義也。註曰。緩謂寬

遇偶也。此釋遇為偶之義也。疏曰。隱

曩曩也。俚暇也。宵夜也。曩音向。俚遑同。此釋曩。俚宵之義也。註

處疏曰。詩小星
云。蕭蕭宵征。

慎忤也。愒貪也。忤音玩。愒音慨。此釋愒為忤。愒為貪之義也。註

而愒

日。謂愛忤貪美也。疏曰。昭元年左傳云。王民既歲

搢拄也

搢音枝拄音注。○此釋搢為注之義也。疏曰：說文云：搢，搢也。古用木，今用石。字書云：拄，屋之欹也。愚按：搢者，今人云搢。

搢拄

也

裁節也並併也

併評上聲。○此釋裁為節並為併之義也。疏曰：易泰卦云：后以財成天地之道。財，裁音義同。並併古

今字通詩車鄰

云並坐鼓瑟

卒既也

此釋卒為既之義也

情慮也

情音叢。○此釋情為慮之義也。註曰：謂謀慮也。疏曰：情字書作情。

將資也

此釋將為資之義也。註曰：謂資裝。疏曰：行所資也。

荷紘也

荷音止。紘音秋。○此釋荷為紘之義也。註曰：今人呼縫紘衣為荷。疏曰：謂縫刺也。鄭註：司服云：繡敝緇縠為荷。謂刺

也。繡

遞迭也矧况也

此釋遞為迭矧為况之義也。疏曰：遞者更迭間隔相代之義。詩柏舟云：胡迭而微。說文云：矧况，况也。

從矢取辭如矢也。恩按矧况加進之辭。詩桑采云况亂斯削况滋也。舊單云營况義以未盡。

廩廩也。鮮先上聲。○此釋廩為鮮之義也。疏曰廣雅云廩舍也。廩鮮蓋百困舍之別名。孫炎云鮮藏穀鮮潔也。舍人云廩少

也。

道逃也。道音換。○此釋換為道之義也。疏曰書太甲云自作孽不可道。

訊言也。此釋訊為言之義也。註曰相問訊也。疏曰訊問以言也。

間覘也。間音諫。覘賢上聲。○此釋間為覘之義也。註曰左傳謂之謀。今之細作也。疏曰恒十二年使伯嘉謀之。杜註云謀

何也。兵書謂之反間。謂佯為敵人。入伺其軍中。候間隙以反報其主也。

沅沆也。沅音云沆。沆上聲。○此釋沅為沆之義也。註曰水流滂沆。疏曰說文云沅沆也。一云沆漢大水貌。愚按諸釋互異。

蓋水大則有轉流者與。

干扞也。扞捍同。○此釋干為扞之義也。註曰相扞衛也。疏曰詩兔且云公侯于城言公侯以武夫為扞衛如干盾防守城池。

爾雅釋言

卷二

五

趾。足也。跣。刑也。

跣音廢。此釋趾為足。跣為刑之義也。註曰：足，斷也。刑，斷足也。疏曰：易，濟卦云：賁其趾。呂刑云：刑罰

五百。孔安國云：刑足曰跣。

襄。駕也。

此釋襄為駕之義也。註曰：書，堯典云：懷山襄陵。疏曰：謂乘駕也。

忝。辱也。

此釋忝為辱之義也。疏曰：詩，小宛云：無忝爾所生。

煥。煖也。

此釋煥為煖之義也。詩，無衣云：安且煥兮。

塊。壙也。

壙音暵。此釋塊為通之義也。疏曰：塊者，結土也。說文云：塊，俗由字也。由，一名塚。郭云：土由也。

將。齊也。

此釋將為齊之義也。註曰：謂分齊也。詩，楚茨云：或肆或將。疏曰：毛傳云：肆，陳饗齊也。王肅云：分齊其肉所當用也。

餽。饋也。

餽音平。饋音旃。此釋餽為饋之義也。註曰：廉也。疏曰：餽者，日饋。渾者，日齋。昭七年左傳云：饋于是，齋于是，以斷余

口。

致遠也。此釋致為跪之義也。註曰：啟小跪也。疏曰：詩

四牡云：不遑啟處。郭云：小跪說。文云：長跪也。

穠密也。開闢也。勝音眠。此釋穠為密開為闢之義也。註曰：穠二十一年左傳云：穠音穠。此釋袍為穠之義也。註曰：襄二十一年左傳云：重穠衣裘。疏曰：玉藻云：績為穠。繼為袍。鄭註云：衣有著之

別名也。績謂今之新

繡。繡謂今之舊絮。

障。障也。此釋障為珍之義也。疏曰：謂壅障也。一名珍。左傳云：封珍土畧。

覲。覲也。親天上聲。姑音郭。此釋覲為姑之義也。註曰：面姑然。疏曰：說文云：覲，面見人也。姑，面覲也。詩：何人斯云：有覲面且

薄。糜也。此釋糜為糜之義也。註曰：淳糜也。

舒。緩也。此釋舒為緩之義也。疏曰：詩野有死麇云：舒而脫脫兮。

翮。翮也。翮音翮。此釋翮為翮為翮之義也。註曰：翮音陶。翮音導。此釋翮為翮為翮之義也。註曰：今之羽葆幢舞者所以自蔽翮。疏曰：詩君子陽陽

云：左執翮。毛傳云：翮也。翮也。

釋言

卷一

七

厚壑也。此釋陸為壑之義也。註曰：城池空者為壑。疏曰：陸城池無水者易泰卦云：城復于隍。

毛舉也。毛音帽。舉音奔。此釋毛為舉之義也。註曰：舉謂拔取某也。疏曰：孫炎云：舉，擇菜也。註以舉是拔之義。史記：斬將舉。

旌謂拔取也。詩：關雎云：左右毛之。毛傳云：擇也。

典經也。威則也。此釋典為經，威為則之義也。疏曰：周禮大宰掌建。邦之六典。鄭註云：典，常也。經也。詩：抑篇云：敬慎威。

儀維民之則。

苛，姤也。芾，小也。姤音契。芾音貝。此釋苛芾之義也。註曰：煩苛者。多嫉妬。芾然小貌。疏曰：詩：甘棠云：蔽芾甘棠。又我。

行其野云。蔽芾其樛。

迷惑也。徂，復也。復去聲。此釋迷為惑，徂為復之義也。註曰：徂伏也。說文云：徂，狎也。伏，習也。詩：大叔。

于田云：將叔無怨。毛傳云：徂，習也。

逼，迫也。般，還也。般音班。一讀作盤。還，旋同。此釋逼為迫，般為還之義也。疏曰：逼，相逼。般，旋反也。愚按：般讀為班，如。

趙充國班師罷兵之義故疏云反也或讀作盤盤旋與通迫相對義自通也

班賦也此釋班為賦之義也註曰謂布與也疏曰桓六年左傳云使魯為其班聘禮記云胙肉及粢車胙功音義同

濟渡也濟成也濟益也此遞釋濟為渡為成為益之義也疏曰過渡謂之濟左傳云濟河焚舟濟又為成左

傳云以欲從人則可以人從欲鮮濟又為益左傳云盍請濟師于王

緝綸也緝音民○此釋緝為綸之義也註曰詩何彼穠矣云維絲伊緝緝繩也江東謂之綸

辟歷也彘盞也辟音辭彘音時盞音澆○此釋辟彘之義也註曰辟歷未詳澆者澆出澆沫疏曰李巡云吐沫彘也

韋招云彘龍所吐沫龍之精氣也愚按辟歷當作霹靂與彘盞皆水火精氣也

寬綽也此釋寬為綽之義也

袞蔽也此釋袞為蔽之義也註曰袞衣有蔽文疏曰詩采芣云玄袞及黼袞衣兼有繡蔽詩但言及黼此釋為蔽也

皇華也華花同○此釋皇為華之義也註曰釋草云草華榮疏曰草木之華一名皇煇光引詩云皇皇者華係炎云皇皇猶

煌煌也。今註引墓華榮以証皇亦華名。

昆後也。彌終也。昆衰平聲。此釋昆為後彌為終之義也。註曰昆

元龜愚按昆兄也。又後也。故註云謂先後也。蓋昆字從日從比。字

書同也。並也。咸也。及先也。後也。諸釋皆生於此。此則釋再謨昆命

也。詩生民云誕彌厥月。卷阿云俾爾彌爾性。皆彌終之義。

釋訓第三。疏曰釋詁云訓道也。周禮地官土訓誦訓言以風

氏即以詩義解之。愚按釋詁釋言及釋訓三篇皆釋古今字

義而序篇於釋詁釋言總發其義而釋訓不及者蓋此篇多

釋數文及成句之義。

與前二篇小異與。

明明斤斤察也。條條秩秩智也。斤音僅。條音由。此篇首釋箋文

質之善者而釋之也。註曰明明斤斤皆聰明察察條條秩秩皆智

思深長也。疏曰詩常武云赫赫明明執競云斤斤其明愚按詩假

樂云德音秩秩條條未詳。

肅肅敬也

註曰皆儀容敬謹也疏曰詩離篇云至止肅肅又云夫子穆穆

請諸便便辯也

便平聲○註曰皆言辭便給也疏曰語云便便言詩采菽云平平左右毛傳云平平辯治也便平古

字

肅肅翼翼恭也

離離同○註曰肅肅翼翼皆恭敬

云離離在宮肅肅在廟大明云小心翼翼長發云敷政優優

兢兢愬愬戒也

戰戰踳踳動也○註曰兢兢愬愬皆戒慎戰戰踳踳皆竦動趨疾也疏曰詩

小豎云戰戰兢兢楚茨云濟濟踳踳思按愬愬未詳舊引抑篇子孫繩繩為証謂愬愬音義同也考愬繩字書皆訓為戒義固可通

且以子孫繩繩訓為戒恐非

晏晏溫溫柔也

註曰皆和柔也疏曰詩氓篇云言笑晏晏抑篇云溫溫茶人

業業翹翹危也

愬愬音驚○註曰業業翹翹皆危愬愬音驚○註曰業業翹翹皆危

云兢兢業業。鷓鴣云。予室翹翹。予維音。曉曉黃鳥云。備備其保。

番番矯矯。勇也。桓桓烈烈。威也。洸洸赳赳。武也。番音波。洸音光。赳音九。註曰。番番。

矯矯皆壯勇貌。桓桓烈烈皆嚴猛貌。洸洸赳赳皆果毅貌。疏曰。詩。崧高云。申伯番番。泂水云。矯矯虎臣。桓桓武王。黍苗云。烈

烈征師。江漢云。武夫洸洸。兕目云。赳赳武夫。

訥訥濟濟。止也。濟上聲。註曰。昔容止也。疏曰。詩卷阿。云。訥訥王多吉士。楚茨云。濟濟跄跄。

悠悠洋洋。思也。思去聲。註曰。皆憂思也。疏曰。詩子衿云。悠悠我思。二子乘舟云。中心養養。皆想念憂思也。洋洋音

義同。又中庸云。洋洋乎。如在其上。鄭玄云。洋洋。人想念其傍倚之貌。

蹶蹶蹻蹻。敏也。蹻蹻增增。衆也。烝烝遂遂。作也。蹶音貴。蹻音積。註曰。蹶蹻蹻蹻。皆

便捷之貌。蹻蹻增增。皆衆夥之貌。烝烝遂遂。皆興作之貌。疏曰。詩。蟋蟀云。良士蹶蹻。楚茨云。執蹻蹻。蹻蹻。蘇斯云。蘇斯羽。蹻蹻兮。闕宮

云。烝徒增增。泂水云。烝烝皇皇。思。按遂遂。舊未詳。記云。陶陶遂遂。

委委佗佗美也

註曰皆佳麗之貌也疏曰詩君子偕老云委委佗佗

長之美也愚按委佗詩傳謂寬廣自得之貌者得之李孫說亦

皆可通舊謂佗

德平易也則於本詩子之不淑句不可通矣

低低惕惕愛也

傳云惕惕悅其人也低低未詳疏曰李巡云低低

和通之愛也愚按低低字書云悶也

蓋低低惕惕皆愛而未得憂悶之意

偁偁格格舉也

舉物慕慕舉戴也偁偁慕慕舉戴也偁偁慕慕

詩桃夭云其葉蓁蓁碩人云庶姜孽孽愚按書湯誓云稱爾干是

舉也格以皮閣物亦舉之意與蓁蓁戴葉於枝孽孽戴芽於本

慝慝媿媿安也

厭厭良人毛傳云安靜也葛履云好人提提媿媿

音義同毛傳云謂

步安舒而審諦也

和和遲遲徐也

註曰皆舒徐也疏曰詩七月云春日遲遲宋繁和那

丕丕簡簡大也

註曰皆多大也疏曰書立政云以並受此丕丕其詳執競云降福簡簡

存存萌萌在也

疏曰謂存在此易繫辭云成性存存萌字書作蕙說文作蕙愚按萌註未詳蓋亦存諸心之意也

懋懋慎慎勉也庸庸惓惓勞也

懋茂同慎慕同惓音驤○註曰懋懋慎慎皆勉強庸庸惓惓皆劬勞

也疏曰書云懋哉詩月出云勞心惓兮

赫赫躍躍迅也綽綽爰爰緩也

赫音釋躍音笛○註曰赫赫躍躍皆迅疾也綽綽爰爰皆寬緩也疏

曰詩常武云赫赫業業巧言云躍躍發兔角弓云綽綽有裕兔爰云有兔爰爰

坎坎墉墉喜也

墉音存○註曰皆歡喜也疏曰詩伐木云坎坎鼓我蹲蹲舞我墉墉音義同

瞿瞿休休儉也

瞿音句○註曰皆節儉也疏曰詩蟋蟀云良士瞿瞿良士休休

旭旭躄躄僑也

躄極虐反僑音驤○此以下八條皆類舉性質之敗與時勢之殆者而釋之也註曰皆僑蹇也疏曰

詩板篇云小子躄躄毛傳云躄貌愚按字書云旭音曷旭旭僑蹇貌舊讀旭旭為好好而引詩躄人好好為証似曲

薿薿訕訕亂也

薿音蒙訕音諄○註曰皆開亂也疏曰詩抑篇云視爾薿薿愚按訕訕亂言貌

逆逆也。僂僂洄洄。僂僂。洄洄。僂僂。○
僂音電。僂音萌。洄本作潤。音草。○

皆迷僂也。疏曰。詩抑篇云。聽我逸逸。

版版盪盪。解也。註曰。皆和解也。疏曰。詩板篇云。上帝板板。毛傳云。上帝。鄭箋云。蕩蕩。法度廢弛之貌。版。板盪盪。音義並同。

熒熒炎炎。薰也。熒音同。○註曰。皆早熱。薰炙人也。疏曰。詩雲。熒熒炎炎。薰也。漢云。蘊隆蟲蟲。又云。赫赫炎炎。熒熒音義同。

居居究究。惡也。註曰。皆相憎惡也。疏曰。居居。不狎習也。孫炎云。究究。窮極人也。詩羔裘云。自我人居居。自我人究究。

毛傳云。居居。懷惡不相親比之貌。

仇仇敖敖。傲也。敖去聲。○註曰。皆傲慢賢者也。疏曰。詩正月云。執我仇仇。亦不我力。毛傳云。仇仇。猶警警也。言其有

貪賢之名。無用賢之實。板篇云。我即爾謀。聽我囂囂。毛傳云。猶警也。

此此瑣瑣。小也。此音此。○註曰。皆才器細陋也。疏曰。詩正月云。此此彼彼。有屋節南山云。瑣瑣因亞。

悄悄慘慘愠也瘡瘡痠痠病也殷殷惺惺切切博博欽欽京京仲

仲悒悒怛怛奕奕憂也慘音慄瘡音管痠音與惺音乳切音刃博音圃仲音充悒音拙怛音柄○此條類舉

感時憂世之意而釋之也註曰悄悄慘慘皆賢人愁恨也瘡瘡痠痠與皆賢人懷憂病殷殷以下皆作歌以詠心憂也疏曰詩柏舟云

憂心悄悄抑篇云我心慘慘杖杜云四牡瘡瘡正月云憂心愈愈又云憂心殷殷憂心惻惻羔裘云勞心切切素冠云勞心博博兮

晨風云憂心欽欽正月云憂心京京草蟲云憂心仲仲又云憂心悒悒類弁云憂心怛怛又云憂心奕奕

咄咄田也戛戛耜也咄音云戛音測○此下七條皆類舉力農奉祭之屬而述釋之也註曰咄咄言悲辟戛戛

言嚴利也疏曰詩信南山云咄咄原隰良耜云戛戛良耜

郝郝耕也釋釋生也郝詩作澤音釋○註曰郝郝言土解釋釋言種調也疏曰詩載芣云其耕澤澤郝澤音義

同又云驛驛其達毛傳云達射也鄭箋云達出地也言種調勻皆出地而生也驛釋音義同

穉穉苗也絲絲樵也穉音遂樵音標○註曰穉穉言禾茂絲絲言耨穉也疏曰詩生民云禾役穉穉毛傳云役

列也。載芟云。絲絲。其庶。庶音義同。

揅揅。獲也。栗栗。眾也。

揅音室。○疏曰。詩良邦云。獲之揅揅。積之栗栗。毛傳云。揅揅。獲聲也。栗栗。眾多也。

溔溔。浙也。焯焯。烝也。

溔音騷。○疏曰。詩生民云。禋之叟叟。烝之浮浮。毛傳云。釋新米也。叟叟。聲也。浮浮。氣也。釋

烝。以為酒食也。溔。叟焯。浮音義並同。

侏侏。服也。峨峨。祭也。

侏音求。○疏曰。詩絲衣云。戴弁侏侏。謂戴爵弁服而助祭也。峨。樸云。奉璋。我我。謂執圭璋

而助祭也。

鏗鏘。樂也。穰穰。福也。

鏗音皇。又音橫。穰音攘。○疏曰。詩執競云。鏗鏘。又音穰。鄭箋云。言樂音諧和。

而神福眾多也。鏗。音義同。

子子。孫孫。引無極也。顯顯。叩叩。君之德也。

顯音容。叩音昂。○此下各條。類舉上之福德。與

其臣民之歸服而釋之也。疏曰。詩楚茨云。子子孫孫。勿替引之。卷阿云。顯顯叩叩。如圭如璋。鄭箋云。顯顯。溫貌。叩叩。盛貌。

丁丁嚶嚶相切直也。藹藹萋萋，臣盡力也。嚶嚶喈喈，民協服也。

爭盡上聲，嚶音雍，喈音皆。○註曰：丁丁嚶嚶，喻朋友切磋相正也。

藹藹萋萋，地極化，臣竭忠也。嚶嚶喈喈，鳳凰應德鳴相和，百姓懷

附民樂歌也。疏曰：詩伐木云：伐木丁丁，鳥鳴嚶嚶。卷阿云：藹藹

王多吉士，又云：萃萃萋萋，離離喈喈。毛傳云：梧桐盛，鳳凰鳴也。

佻佻契契，愈遐急也。宴宴粲粲，尼居息也。○此下各條亦

釋之也。註曰：言賦役不均，賢人憂歎，遠益急切，而近處優閒也。疏

曰：遐，遠也。詩大東云：佻佻公子，行彼周行。鄭箋云：言東方貴公子

雖困乏，猶不能止也。又云：契契寤歎，哀我憚人。言譚大夫憂歎，哀

民人之勞苦也。又云：東人之子，職勞不來。西人之子，粲粲衣服。言

勞苦而不見慰勞，惟京師人逸豫也。詩北山云：或燕燕居息，或盡瘁事國。

哀哀悽悽，懷報德也。○註曰：悲苦征役，思所生也。疏曰：詩蓼莪云：哀

哀父母，生我劬勞，恨不得終養父母也。出車

云：春日遲遲，卉木萋萋，以征役而思家也。

條條嚶嚶，懼禍毒也。

條音笛，嚶音惠。○註曰：悼王道穢塞，蟲吟自得而已。遭讒也。疏曰：詩小弁云：嗶嗶周道鞠

為茂草又云菀彼

柳新鳴蜩嘒嘒

晏晏且且悔爽忒也

註曰傷見棄絕也疏曰爽忒差也詩俱備云總角之宴言笑晏晏信誓旦旦鄭箋云言未

辨晏然之時汝與我言笑信誓懇惻款誠也

詩序云刺男女無別奔誘背棄困而自悔也

皐皐瑁瑁刺素食也

瑁音鉉詩作朝○註曰議無功德尸寵祿也疏曰詩召晏云皐皐詭詭曾不知其玷大東

云朝朝佩瑁不以其長鄭箋云小人在位

曾不知大道之缺徒美其佩而無德也

權權恹恹憂無告也

註曰賢者憂無所訴也疏曰詩板篇云老夫灌漑黍離云中心搖搖權權恹恹音義並同

憲憲洩洩制法則也謔謔諂諂崇譏慝也翁翁詛詛莫供職也速

速感感惟迷鞠也

謔音郝詛音紫○註曰小人乘禍助虐背公郵私專祿國削也疏曰詩板篇云天之方難無然

憲憲天之方蹙無然泄泄天之方虛無然謔謔又云多將煽煽不

可救藥小旻云滄滄詛詛亦孔之哀正月云款款方有穀節南山

云感感靡所騁洩泄諂諂音義並同愚按自子子孫孫至此每語

皆以三字約舉其義與經書小序畧相似而又皆以韻叶之蓋爾

雅諸篇中自為一體此等文疑先賢卜氏受詩於聖人而因為之也

抑抑密也秩秩清也

此條亦舉德性之善者而釋之也註曰威儀審諦德音清冷也疏曰詩假樂云威儀抑抑

德音秩秩

粵聿掣曳也

粵聘平聲聿音丰掣痴去聲○此下三十條雜釋成語及雜字之義而此釋粵聿之義也註曰謂牽挽也

疏曰詩小苾云莫予并蜂自求辛螯毛傳云并蜂掣曳也謂挽離正道使就邪僻也粵并聿蜂音義並同

朔北方也

此釋朔之義也註曰朔謂幽朔疏曰詩出車云城彼朔方書堯典云宅朔方

不俟不來也不適不蹟也不徹不道也

適音聿蹟音迹○此釋不俟之屬之義也疏曰俟待

也適循也徹道也詩沔彼云念彼不蹟十月云天命不徹

勿念勿忘也菱諶忘也

此釋勿念之屬之義也註曰勿念念也疏曰詩文王云無念爾祖伯兮云焉得諶草

考樂云永矢勿諶諶草或作菱草食之令人忘憂菱諶音義同

每有雖也。此釋每有之義也。註曰：詩常棣云：每有良朋。况也。永歎。鄭箋云：每有，雖也。雖，良朋。徒長歎而已。

饔酒食也。舞號雩也。饔音熾。號平聲。此釋饔與舞之義也。註曰：雩之祭，舞者吁嗟而求雨。疏曰：詩天保云：

吉蠲為饔，是用孝享。毛傳云：饔，酒食也。一字通。酒食，兩名。月令云：仲夏大雩帝。鄭註云：吁嗟求雨之祭也。

暨不及也。蠶不遜也。暨音忌。此釋暨蠶之義也。註曰：公羊傳云：蠶動為惡，是為不遜。疏曰：暨見隱元年公羊傳。詩采芑云：蠶爾荆蕪。

如切如磋，道學也。如琢如磨，自修也。瑟兮僖兮，恂慄也。赫兮咺兮，

威儀也。有斐君子，終不可諼兮。道盛德至善，民之不能忘也。同。諼，

誼同。此釋切磋琢磨之屬之義也。疏曰：皆衛風淇澳篇文。君子謂衛武公也。詳見朱子集註。

既微且尫，肝腸為微，腫足為尫。腫音腫。肝音幹。腸音羊。此釋微

既微且尫。腫之義也。註曰：肝，脚脛也。腸，創也。

詩巧言文。

爾雅釋訓

卷二

三

是刈是漙漙煮之也。

漙音獲。此釋刈漙之義也。註曰：煮葛為絲。疏曰：是刈是漙詩葛覃文。

履帝武敏武迹也。敏拇也。

拇音基。此釋武敏之義也。註曰：拇足大指也。疏曰：履帝武敏詩生民文。愚按

拇為敏蓋誤文。或曰古文通。

張仲孝友善父母為孝善兄弟為友。

此釋孝友之義也。註曰：張仲宣王時人。疏曰：張仲孝友詩

六月文。

有客宿宿言再宿也有客信信言四宿也。

此釋宿信之義也。註曰：一宿為宿再宿為信重

言之故知再宿四宿有客二句詩有客文。

美女為媛士為彥。

媛音院。此釋媛彥之義也。疏曰：詩君子偕老云展如之人兮邦之媛也。羔裘云披其之子邦

之彥兮。

其虛其徐威儀容止也。

此釋虛徐之義也。註曰：雍容都雅之貌。疏曰：詩北風云其虛其邪既亟且且邪徐音

義同愚按詩傳虛寬貌言避亂何可
以寬徐乎其亟已甚而不可不速也

猗嗟名兮目上為名

此釋各之義也註曰名目眼間也疏曰猗嗟
各兮詩猗嗟文愚按詩傳各兮言威儀技藝

之可名也
視此為異

式微式微者微乎微者也

此釋式微之義也註曰言至微也
疏曰式微式微詩邶風式微文

之子者是子也

此釋之子之義也疏曰詩
言之子者多矣故此釋之

徒御不驚輦者也

疏曰徒御不驚詩車攻文云輦者解上徒字諸
徒皆為徒行此獨為輦也地官鄉師云大軍旅

會同治其輦註云輦人輓行也司馬法輦有一斧一斤一鑿一楸
周輦加二板三桀夏二十人而輦殷十八人而輦周十五人而輦

禮裼肉袒也暴虎徒搏也馮河徒涉也

此釋禮袒及暴虎馮河之
義也註曰肉袒見體也徒

搏空手也徒涉無舟也疏曰詩大叔于田云叔
在藪禮袒暴虎小旻云不敢暴虎不敢馮河

蓬條口柔也威施面柔也夸毗體柔也

蓬音渠條音除夸音誇○
此釋蓬條之屬之義也註

曰蓬條之疾不能俯口柔者常仰視人顏色戚施之疾不能仰首
 柔者常俯下其面故因名也考毗者屈已以柔順人疏曰詩新臺
 云燕婉之求蓬條不殄又云燕婉
 之求得此戚施板篇云無為夸毗

娑娑舞也擗拊心也矜憐撫掩之也
擗音開拊音撫○此釋娑娑
 之屬之義也註曰舞謂舞容

也拊心椎胸也撫掩猶撫拍謂慰卹也詩東門之枌
 云娑娑其下柏舟云窈擗有標鴻雁云爰及矜人

絨羔裘之縫也
絨音域○此釋絨之義也疏曰詩羔裘云素
 絲五絨孫炎云絨界域即縫合皮之域也

殿屎呻也
殿音店屎音希呻音申○此釋殿屎之義也註曰呻
 吟聲也疏曰詩板篇云民之方殿屎毛傳云呻吟也

幃謂之帳
幃音緇○註曰今江東亦謂帳為幃疏曰帳一各幃
 詩小星云抱衾與裯鄭箋云裯幃帳也裯幃音義同

併張誑也
併音舟○此釋併張之義也註曰書無逸云
 無或併張為幻詩防有鵲巢云誰併予美

誰昔昔也
此釋誰昔之義也註曰誰發語詞疏曰詩墓門云
 誰昔然矣毛傳云昔久也愚按誰昔猶言嚆昔

不辰不時也
此釋不辰之義也註曰辰亦時也疏
 曰詩桑柔云我生不辰逢天譴怒

凡曲者謂留。留音柳。○此釋留之義也。註曰：毛傳云：留，曲梁也。
凡以薄為魚笱者，名為留。詩：魚麗云：魚麗于留。
鬼之為言歸也。此釋鬼之義也。註曰：尸子云：古者謂死人為歸人。